



空同先生文集序

五嶽山人吳郡黃鶴曾撰

夫文者所以發闡性靈叙詔倫則形寫人紀彰泚天
化物感而言生聲諧而節會乃玄黃之英華而神理
之自然也譬彼霞輝星彩匪繪而煥龍章鳳色不繡
而竒豈出造爲精機妙吐而已况夫深居几榻可達
志於八方暫控形骸得寓心於萬代一言耀帙黃壤
如生片撰升堂藻園不廢所以達賢古聖莫不尚之
解繩以來六籍底績體各殊科道由一致故裁訓者
必依其本贊事者必准其實此命脈之骨髓而執簡
之要規也經熄時遷茲教燼喪飾虛者繁真核者寡
炎漢御宇載煽王風西京之文號爲爾雅但渾質既
淪儒流瀾縱得之者虎蔚於藝林失之者螢息於晨
草校披千載入室幾何蓋詞非僞借之可傳語必肺
本而攸永來世方遠焉可取欺鬼燦神昭若握柄宰
如執簧之韻耕田之唱短調無芊眠之富直音無潤
色之美亦且緝陟孔經采居賈史者良由出之惻怛
嗟嘆之真自當流誦於無極也粵我空同先生嶽降
於熙雍之運鵬騫于平章之

朝夙稱八斗之才遂擅九州之秀非姬公宣父之書
不涉於目非左馬班揚之策不發于筭非騷選李杜
之篇不歷于思由是代方享弊對獨幟於旌墟士舉

安凡振孤轅于廣陌雖和之者自萃珪璋之儔而訕
之者頗繁參商之輩物忌勢危終於擯落然先生風
節凝持卓立不懼卒能浣學圃之污沿新形管之瑣
習起末家之頽散復周漢之雅麗彬彬乎天下學士
大夫莫不趨風而宗之自是埏宇之內倡和鎔鈞文
章經緯與三代同驅矣載論先生之撰蔚雄闊衍無
體格之弗統酌稟圓融何高深之弗臻矩之音氣何
密弗研獲其神精何奧弗範如玄造該包乎物器海
渤匯納夫波流五色錯以彪章八音和而協奏鬱憂
愉喜婉附委陳性靈著矣五道四德諄數重締倫則
表矣將迎酬酢粹擷鋪綴人紀備矣兩間萬貌絲絡

籠挫天化宣矣由是品擬先民則銓情播義釀浸於
洙典星離縉貫幅尺於丘明約暢淵綺橐籥於宋荀
騁頓激昂陶鑪于遷固緣方形侶合步於相如體新
揮述齊能于杜甫祖轍求源法同於康樂挾衰續古
功並於拾遺誠遊藝之鉅工而摛翰之鴻匠也客有
惜先生懸車之早以爲未究厥施者予曰不然天生
英哲或用之顯績或用之述經先生興起學士挽回
古文爲天下作者之首冠則天之用先生者不小矣
仲尼旅人騶軻弗寧亦將以爲未究厥施耶省曾樂
志衡門修辭海曲山川間之音通道契故先生于戊
子之冬以手編全集寄我姑蘇殷勤札書屢貽疊受

既而先生問醫南下邀予京口千里不遐命僕爲序
辭謝再三屬委逾至乃得論襟于綠雲之亭品文于
大峴之山並館逾旬雪涕成別長江悠悠雲帆遠
歲之除夕先生告徂嗚呼緬惟邂逅已然季子之許
自顧淺膚莫稱陽冰之託勉撰斯文恐孤泉下附于
驪後且幸因之與日月而並遠也嘉靖九年春三月
十六日

空同先生集卷第一

北郡李夢陽撰

賦一十首

疑賦

鈍賦

思賦

迷征賦

省愆賦

宣歸賦

緒寓賦

寄兒賦

俟軒子賦

竹石賦

賦一十首

疑賦

空同集卷一

一賦

下乾上坤高卑易矣星辰在下江河逆矣天喬喬天
雉鳴求牡矣魚游于陸冠苴履矣嗚呼噫嘻當晝而
夜宵中日出我黑彼白婦鬢男裼鉞刀何鈇湛盧何
鈍丈則謂短謂長者寸鳳鳴翩翩羣唾衆愆鶴鶴胡
德見之慕焉嗚呼噫嘻貞瑩內精讒嫉孔彰垂滑泆
忍名崇智成軟詭歛歛馳騁爽達殲良媚勢光爛門
闥彼曰昧昧人則攸知上帝板板鬼神邈而昔之多
士猶或畏疑今之多士覲肆罔懷嗚呼噫嘻民殊者
形厥心則一威擠利啗曰伊我栗血流于庭酣酒歸
室友朋胥嬉同聲德色寔彼罔識巧我攸極昔之執
衡視權與星今之執衡惟我重輕古道坦坦今駘東
西指晨謂暮目鸞爲雞隣牛茹虎冀虎德子厲莫察

階倒靡究所嗚呼噫嘻盜跖橫行回憲則貧上官專
榮原隕厥身直何以仇佞何以親或何以顛操何以
振飛何以屈檜何以伸西子何惡嫫母何姝乘黃瘠
弱御者駘駘舍彼靈明溺任胡塗皎皎者忌憐彼濁
汗水清奚無魚而泥淖以成良畬先生莫所自解誦
曰握粟出卜其何能穀於是出造巫咸叩焉巫咸曰
胡梯鶻突而與世汨受福揭揭漁者一旦獲尋丈之
魚見之者猶拔頸流涎思劫之也而憾不漁屠而况
懷千金之寶抱徑寸之珠吾誠不能筮以決子之疑

鈍賦

鈍者何傷時之鋸也亦自快也

空同集卷一

二賦

余竊悲機巧之競進兮性靈利而激昂衆個儻而鑽
刺兮務捷徑以求成勢犬牙苟相軋兮白刃起而相
仇戈戟攢於心肺兮蹈檻穽而靡憂泪余生之頑鈍
兮年逾壯而無能強砥礪而求合兮路亡羊而多岐
退歛掩而修吾初服兮韜余劍之陸離拂靈鏑之澌
澌兮吾什襲而猶恐露之啣時俗之反覆兮常寶偽
而棄真斤莫邪使不御兮挈鋌刀而自珍吾縱有湛
盧與龍泉兮反孤立而危懼按明月之玉環兮塵星
斗使不露鬣往古誰不然兮吾又何怨乎今之遭余
常恠范蠡之用鋸兮末見幾而逃彼種與胥豈乏利
刃兮竟爲主之仇讎故木以直見伐兮樗以屈曲保

全故銳者先衄兮吾蓋幸毛遂之脫身鬱侏僚余拂
抑兮退且焉礪吾初質索白茅而構菴兮斲桂杉而
爲室悶踽踽以潛處兮情蹇產而畫一閭踟躕以後
時兮寂蒙膝而藏密余以往哲爲治兮以隱子爲模
鎔禮樂以爲鈇兮淬仁義而內娛進旣匪我願兮又
何必昭此鋒也憺徜徉以往來兮聊秣吾之駿驅策
駑駘而追騏驥兮余故知路之遠遠按六轡而遊康
莊兮亦何必逞羊腸與九坂舍余駟於丘之旁兮又
捐刃乎水裔準閉戶而削迹兮效完身而遠害惟山
路之難嶮兮叢篁鬱而蔽天物過盛而易嘗兮勢帖
危而必顛吾寧榜騰屋簌蒙詬笑兮不願爲文錦之
犧牛寧與蹇驢齊軌埋沒于塵土兮終不與凡馬而
競先

公甫集卷一

三賦

思賦

有子不及見其成立爲子生無以養死無以葬
仕也無以褒斯二者天下之至悲也死者已生
者思兀然黯然於手駱子胡以塞汝悲於是爲

駱子作思賦賦曰

慨予生之眇眇兮塊獨處此遐域誦往昔以自憐兮
淚交下而橫臆登峻極以顧望兮慨江路之漫漫思
井隴之萎絕兮願矯舉而無翰山岬岬以蔽目兮浮
雲又互而四馳詔鳴鳥以詒訊兮歛高騫而過之託

先人之餘蔭兮踵高躅於英哲勉策名以副實兮懼
前修爲之半輟入文祠以華屋兮出結駟之翩翩慟
夜臺之旣扁兮杳冥冥而重泉攬疆土之殊異兮睇
江鄉之墓阡米予莫之負兮木兮風而夕厲悵怛怛
以不寐兮標拊膺而歔歔哀故山之遼逖兮湖汙汙
而海波隴荆榛之弗治兮枯菱積而寒莎霜露旣披
此梧楸兮廼又申之以颼颼徠夜鳴以慘心兮鴻鴈
南而米雪冰雪予旣弗堪兮豺狼又怒而當路然萋
斐之易眩兮寒隱憂而誰訴恟愠愉以中結兮氣氤
氲而內煎耿絲聯而靡絕兮鬱於邑而若牽怒梟牢
而若饑兮若皇皇求而未得食俵俵而罔甘兮寢輾
轉而反側步踽踽而有望兮坐默默而自語優禔禔
而有聞兮肅容聲之接予亂曰綏我思成神之利降
爾遐福天之畀孝子不匱賢之嗣

述征賦

正德四年夏五月北行作

仲夏赫炎兮草木畢揭鞿縲赴徵兮夜發梁國抑情
順志兮強食自解亂流渡河兮忽焉而寐所以懣悵
揮霍兮中情苑而內傷明星散而交加兮翩冥冥吾
以行覽衆芳而橫涕兮蒼皇皇莫知所投曷暇杲杲
方上進兮雲披離而蔽之飄風盪而曾波兮湖水擊
而震盪慨川廣而難越兮朝余翱翔乎河上旣涉衛

以奔鶩兮又逾淇而渡漳去故鄉以就遠兮霑余襟
兮浪浪山峻高而造天兮又陰晦而多雨觀蘊蟲之
相搏兮怵於邑汙又交下哀人命之有當兮禍福杳
其無門孰非義之可蹈兮焉作忠而顧身余獨怪夫
審博之懼患兮親好修而逢殆箕子狂而悲歌兮彼
比干固以直醢觀前世誰不然兮矧吾懷愆而造尤
聊周張以嬋媛兮蓋不忍此心之常愁涉湯陰余愴
恍兮乃又瞻茲姜里鄂廟屹而傍路兮駟超軼而過
止懷誠有離慙兮任道有承尤侍中顛隕兮扁鵲被
劉專惟君而邁殃兮眩吾不知其何謂極終古而長
憤兮羗炯炯其猶未昧翼絲絲之無聊兮眇翩翩莫

知所騁憂悄悄之悶齋兮歷山川余弗省跡有隱而
難察兮物有微而先彰負蚊蠱以抗山兮固切人之
未量欲結言以自明兮拙而莫之謀也將曾舉以遠
羣兮又絆而莫之能也經溝瀆吾不悅兮亦何必爲
此行也審相羊以俟至兮莫好修之證也路遼遠之
齋齋兮埃風旋而簸揚煙液蒸而練練兮夕吾次于
沱陽嶺崑曲以歛容兮原暖晻而嚮嶂風草剌而冥
冥兮狼狽號而夜鳴指黃昏以爲期兮驂駸駸又夜
行曰雷霆不可玩兮孰刑人而不戒悲轅馬之喘噓
兮常十策而九退朝檻木末之清風兮夕瞻明月指
列星我既處幽羗誰告兮魂中夜之營營欲展詩以

效志兮又恐增愆而倍尤衆聚觀而潛諗兮或掩涕
爲予乎淹留予朝餐中山之初蒞兮暮挈易之香芬
睇北山而不見兮彼南州又藐焉而弗予睹氣怦怦
而絳結兮心緯繡而弗怡紛流日以相觀兮見金臺
之崔嵬軫雄虹之迅光兮愾烏白與馬角燕昭旣劇
該輔兮厥躬亡而國削何秦嬴之虎視兮厥二世以
不祿固盈虛之環沓兮春秋奄其代續自前代乃已
然兮吾又何怨乎人心雜亂反覆豈畢究兮由遂古
而至今重曰隆隆三伏鑠金石兮如羹如沸行路喙
兮道思作誦軫爾類兮南有喬木不可以憩兮念我
徂征日顛顛兮含精內蝕世莫可說兮亂曰已矣哉
鳳鳥之不時與燕雀類兮橫海之鯨固不爲螻蟻制
兮誠解三面之網吾寧溘死于道路而不悔兮

省愆賦

伊余幼好此騏驥兮服偃蹇以驕鶩載銜轡而周流
兮耿旣得此中路余謂秉質曷固兮謂蘭蕙介而過
疑援鳴鳩使爲理兮俾高舉而並馳旣犇直而不豫
兮又任怨而干條固羣吠之難犯兮每沾危而弗懼
余豈不知峴嶢者之寡完兮羗堅忍而弗懲驟諫諍
以離尤兮莽飄風之相仍交不深而易絕兮儻中道
而改度媒阻絕之不通兮焉孰導余以前路放子喟
而掩涕兮逐臣去而不還紆鬱邑以屈抑兮恐日薄

於西山浮洋洋余焉極兮濫透移而游滯相曹梁之
廢墟兮攬長河之緒風信孔樂非我願兮望北嶺而
歔歔效桃鳥以自珍兮邁羅網之不意憐赫夏以桎
梏兮雷無雲而晝鳴愍棘扉之卑惡兮夜不見月與
星吾聞湯文遭繫兮豈其博修之故惟鄙人之不葵
兮固宜蒙詬而逢怒步庭堦而遙望兮宮殿鬱而槩
天願陳志之無路兮倚北戶而嬋媛觀炎焱之塌埃
兮地沮洳又蕪穢哭與哭之相聞兮對飲食而不能
下怨長日而望夜兮夜明闇又若歲蚊蝎伺人以唐
苟兮鼠登牀而鳴逝怛侘倖余隱軫兮哀民生之多
蠻數惟萬變豈其可槩兮孰洩愆而不踰援往聖以
爲程兮按余志且焉止哉夢忽乎余上征兮魂浮游
之迷迷過太儀叩天閭兮捫白榆之歷歷進不入以
遭迴兮退余將覽夫下土馮玄雲以相羊兮洵極樂
而無所撫辰星以攄虜兮據雄虹而降觀歛積清之
浮涼兮依北斗而浩歎何民生之錯雜兮紛既有此
多難心猶豫而內訟兮悔有目之不見寤周覽以增
歎兮塊獨處此幽域鴟鴞萃而翔舞兮鳳鳥飢而夜
食衆輟杳以自媚兮焉誰察余之優優閔芳華之靈
落兮秋風至而改期颺蕭颺以摧容兮天淫淫又陰
雨幽屋破而下淋兮牀一夜而十徙恹蘊倫以省故
兮冀一見之不可得日昧昧以將入兮掩衾裯而太

息惜余年之強壯兮常坎輒而滯留憐鬢髮之漸變
兮恐芳草爲之先秋情有感而難忘兮性有紕而不
釋念昔者之周渥兮孰堅忍而拋擲聞紆壹以饨膾
兮竊陳詩以自抒懼言弱而道阻兮恒潛隱而思慮

宣歸賦

正德九年是歲甲戌厥月辛未臣以居官無狀
得蒙寬譴罷歸迺作宣歸之賦其詞曰

昭浮清以覆育兮北斗平均而酌時聰謁微細而先
秋兮水知寒而流澌疾余生之蠢持兮性重剛而習
坎吾既倖直獲斯厲兮孰復訟心於願頷悲羣志之
詭異兮恒忌勝而營已與已好則曰好兮忍憮蛾眉

富集卷

八賦

陸潮

而攻毀繫聖人無小大兮吾聞大道以天下爲公彼
黨同以掩飾兮擊非儔而謂忠惟古人之醜僞兮逆
四夷而投北胡今士之婪穢兮廉之則云伐德帝板
板以遼寥兮九天立而雲征滄汶汶以頽夢兮豈察
詳而悉情滂澄清厥躬殆兮原靡豫而遭放美余焉
獲茲嘉間兮詔冠帶以流浪晨靈雨以揚撒兮邈江
漢之滔滔背朱明之游颺兮面長庚而北適瞥九江
余矧儻兮超大別而逾迅介夢澤以洋淫兮風沔郢
以遵順宵詔參昴兮晝諦波濤痛定思痛兮瘰前車
而內忉衆垂滑以善憎兮嚙脊喀而背訛譎媼媼以
朋附兮瑣刺齷而陽給艷余惡以披離兮矯九仞之

翮翮趨溷悶以孤爨兮巢雲柯之蔽芾彼叢噪以側
睥兮含沙射而伺予夥千百以致一兮標寤言而誰
語陋嘍呶之僞態兮譎僂唯唯趨趨生捩直俾之
曲兮民炎門礪而肉魚肢血膏以日富兮佯減儉以
豪素哀寔人之填寡兮彼醜鮮袒而號呼心與迹旣
我逆兮焉飲食之違寧憤粉飾之亂姣兮疇知余結
駟而憑膺時鑠金之水鬚兮吏抱牒環而相勿汗簌
簌以零案兮風薄肌之瑟瑟恫潰澮以煩攢兮念偃
仰之不可得報束帶以例趨兮衰眩戰而狐惑徒文
繡之外彪兮內棘戟其誰知思玩慢以整遷兮則又
懼素餐而神災吾寧轟烈劣撤與世選兮良不忍飢

空同集卷一

九賦

跛齷齪與草木而塵埃惟代謝之飄忽兮慨顏跖逝
而黃丘究萬變以定命兮孰長存而竟留懲夙昔以
質行兮吾幸夫前路之尚修余指日月之顯隅兮廻
巘阿而槃考徙桑若以敷蔭兮移嵩華而分島仰峯
寧之嶽岑兮俯泉瀨之磴磴穆宥助以潛處兮探理
窟之英邃合性命而諗一之兮周覽陰陽之轉圜橫
宇宙以長觀兮驗妙門之玄玄混沌及而天地覆兮
堯桀泯而誰分篤述作以強志兮吾豈願來者之盡

聞

緒寓賦

炎炎赫赫闔閭茂兮舟西鶩而逆流途路艱阻渺以

浩兮邁皇天之昧幽涉襄樊而濡滯兮時寒涼而雨
霖水洶洶以震堤兮勢擊盪而崩淫龜告我以茲食
匪兮望舊鄉塢焉洪濤伊誰詒斯跋扈兮悒慘蒼而
中切柏陽日之既冬兮爰詠吉而載牽駟牡旣秣余
邇還兮躋廢城之曲齧咎品形之流易兮賦吾性乎
涓急進退拂以奔波兮名與德之不立惟騶驥置之
閒間兮固狸鼯之茂如執成敗以律之兮彼亮飛出
而誠愚旣矢夫捐身以酬知孰暇計完名而保軀悒
世人之善譏兮謂吾皇皇而求家尼聖尚有茲鄭門
兮矧吾庸鄙而過頗顧鹿山以凝眸兮壯江漢之繹
繹跡與心胡之偈兮精連連而靡懌效抽辭以閱還
兮醜漢道之陵夷偉龍臥以消息兮逢三顧而有爲
往者吾不及之兮來者吾靡量苟得喪匪厥命兮曾
賢智之盡庸審周章以游志兮北風颺戾而蕭條望
原野之滌滌兮薰臭奄而並燒善踣踣以奚恃兮憤
壅蔽皎然莫聞肆矯情以迷浪兮戲康莊而隱身重
曰陟樊城以還顧兮極南陽之永阡氣蔚鬱以騰攄
兮星辰炯而下連慷慨者多戚兮怛循蹟而嘯吟眈
白河之蒸雲兮僂中原之勁風天霽靈以翳翳兮白
日晦而西匿繫人生之幾何兮汲毀譽而縈臆

寄兒賦

正德七年秋兒枝以離思賦來獻予則作此寄

焉亦教之焉

鳥來自北兮銜章進辭開緘覽意兮閱爾峻思賦曰
風嫋嫋以先秋兮百卉改而動容時序莽其流易兮
塊予猶獨處此異江地卑濕而蕪陋兮孤俵俵而寡
仇愾直路之蓬蒿兮綱紀壞而不修惟彼人之嫫巧
兮諶妁約以先意衆瀾倒而莫之支兮昭余志之獨
異陟巨廬以凝盼兮眺江介之孤城山合駭以迎目
兮清雲曳而前征愴荆吳之渺漫兮波水滌而交逝
瞻梁豫之逖逖兮情愴怳而濡滯日晡晚以既夕兮
塵埃溘而蔽天役車載路而班班兮覲旗旄之翩翩
悲時世之艱難兮詢亂離而爭奪兄嗟弟而殷憂兮
軫汝曹之飢渴終風霾而四流兮冬不雪至於三月
春遲遲以方陽兮民背鄉而顛越揮耒耜而介冑之
兮青草錯而白骨鬱余懷以遭廻兮紛涕零兮如霰
帆彭蠡以浮游兮天地吳其方旦齊吳榜以前舲兮
聊擊汰而容與余朝歷石壁之噴噴兮暮泊陽禽之
渚登陉岍以遼顧兮深林黜焉杳冥虎豹蹂蹂以伺
人兮群狐狸而晝行哀死亡而無告兮橫屍蔽而臭
野斯固易懲兮彼益復眈夫刀努惟以暴除暴兮斯
亂與亂相尋苟威信之靡忱兮吾慮夫降叛之詭心
宵攬衣以興嘆兮步明月於中庭挹河漢之回光兮
數北斗之朗星衝飈第以驚帷兮熠燿亂而當戶華

何秋而弗零兮木何蠹而罔朽上智者先幾兮厥邦
保之未危何白日之初照兮浮雲起而翳之玉與石
豈難辨兮亦司者之罔察也鈍超軼以先銛兮胡朱
之不可奪也矧煩婪以蹇劇兮步高城以散眸誦昔
者之怡豫兮內怵惕之無聊駐余馬于梁之臺兮又
逍遙乎大堤睨嵩岑之峻極兮覽長河之逶迤慨伊
阻之自貽兮汝隔離而弗覲余匪貪厥好爵兮胡匏
繫而不適江洶洶以夕變兮木葉下而海波召飛鳥
以詒言兮訓爾音而永歌歌曰訥澗洞以溷濁兮時
嶮艱而路危美龍蛇之伸屈兮傾哲賢之順時孔桴
海而曾思兮伯陽西而流沙效梅生於吳市兮願抽
身而舉遐奉前德以創則兮肇孫謀而奠家

空同集卷二

十一賦

宅

俟軒子賦

衆躁趨以幸成兮至踰夷而競先溷助勦以徑捷兮
率隕已而弗悛彼靜者以天動兮謂定者非我能逃
恒謙守而需抱兮懼逆時而違尤體孔言以居易兮
遵孟訓而行法謂非俟余何求兮爰名軒而省察軒
吾罔徒處兮名吾敢襲取譬涉川而戒維楫兮聊待
時乎吾容與夫桃李不能秋以英兮桂菊春而豈華
彼萬物疇不然兮乃欲速吾謂何吾討典籍以娛日
兮探性命之幽蹟冀河清之有期兮幸耀靈茲而未
夕苟積久而淹貫兮又奚窮達崇卑之足掛臆

竹石賦

有杳者篠叢彼阿徙置得地孺以華托根靈石發生
直翁颯佛樓翠風閣長竿嶢嶢翼紛若截爲雙箭雖
鳳鳴任心吹之靈霧生乘鸞挈友騰烟霧餐霞戲委
永無慮中虛允直性介固

空同先生集卷第一

空同集卷下

十三 賦

空同先生集卷第二

北郡李夢陽撰

賦一十首

送河東公賦

吊申徒狄賦

吊康王城賦

吊于廟賦

吊鸚鵡洲賦

哀郢賦

汎彭蠡賦

觀瀑布賦

泊雲夢賦

漢濱賦

賦一十首

送河東公賦

正德元年冬十月河東公以譴放還屬吏郎中

空同集卷二

一賦

李某作賦送焉賦曰

飄蕭瑟以厲烈兮屬孟月之慄嚴霜淒清以紛下兮
風薄戶而竅吟余戒玄武使先導兮飭冥子俾抗旌
虬蜿蜒以服輿兮弗長雲而遂征三台及以踈闊兮
北斗揭而望余颺蕭冷以溲戾兮涉江漢之清渚悼
喉舌厥之厲兮攬少微而效光咎南箕之靡懲兮猶
翕吐而歟張朝余發于星之墟兮暮弭節乎冀之野
谿谷捌以復陸兮草木落而茫莽獸驚人之跼竄兮
禽枯桑而鳴號雪霰海而零灑兮氣泠泠之寥寥車
輪困而不前兮心已逝而中留驂頓纓而蹶躅兮僕
夫涕而長吁惟先生之貞嫠兮幼崇方而嗜修則英

賢之遺孀兮志臯伊而願仇蹠泰階以承列兮奉鉤
陳而布耀酌元氣而執之兮冀容光之必照倚閭闔
以徘徊兮憤漢臣嘗請乎刀壯埋輪之義力兮潛掩
涕而憾遭惟封豕之峯峯兮彼舍問夫螻蟻豺狼縱
之當達兮柰衆臻而終靡幾不密固害成兮予良痛
乎陳竇之患斬蛇弗斷將自及兮誰捋虎鬚而竟安
曾闢仡仡之巖巖兮浮雲蔽而四舉玄螭九首蠲蜒
垂涎兮守門嘻嘻而目余進旣無以自明兮涕弗知
其退之所營紛構誹以錫訕兮謂余亟之而亂程吾
豈不知詭遇者易獲兮誠嬖奚之攸耻同者就而異
者債兮孰孤持而弗三褫策鴈行以前路兮背陰朔
之塞疆馬騰攄以龍奮兮望山西之夕陽毅昌燕而
卒逃兮叔向飛語而拘縲荷白日之曲照兮迺茲焉
反余初服太行吟之迤邐兮岳壤廬而起伏踐桑乾
之嶮凌兮冒涿霧之綽約爰十步而九顧兮九門嶮
而造天霓連蜷以上驤兮爛躔緯之錯連軫紫庭之
多麗兮冠珮者至三千人步微風之珊珊娥眉入室
女斯妬兮厥亦世之故也寵移者誓必加兮矧吾皓
首之怒也企降覽之中反兮又鮮妣爲余之容思伊
昔之來墜兮內崩剝而自訟沿易濱以千于兮沂金
臺兮躡躑嘅於期之皎節兮鄙荆氏之沉志謂圖窮
而事至兮冀戡贊而必擒謀之人成之天兮竟墮首

而廟心哀壯士之不還兮躡殘壘而逍遙野曠曠之
千里兮寒風唳而蕭蕭天剡剡以臯宰兮日翳翳而
荒涼薄林壑之慘闇兮拂隆冰之積霜聆顏鴟以怵
慄兮憎蝮蚘之荒眇川蕩搏之赤赤兮馳狸窟而嘈
聒精汜濫之佚佚兮駟遑逖而懈怠召豐隆翊余蓋
兮喝飛廉而疾馳揚淖沱之文舫兮驟井陘而單騎
偉左車之雄視兮嗤陳餘之福意張生旣收厥綬兮
趙由之其邦以喪陳子獵于南皮兮漢龍興而虎翔
惟休咎係之數兮大風起而潰圍苟增老不之疑兮
豈張韓之獲爲彼荏苒固膠合兮孰鯁直而罔殆展
氏介而三黜兮遠環奔而再危踰壽徐以橫目兮恢
并州之舊鄉巨墟曲之莢亂兮采茹薦於汾旁霍岳
岳以迎幟兮桂樹偃蹇而俟余狎斑豹于岳際兮鈞
淪淵之秀魚準歲功以消息兮御陰陽以卷舒追赤
松以授要兮從巫咸而卜居亂曰明明日月莫天維
兮太陰四塞孰將夷兮陟彼寥谷望河漢兮上無舟
梁恥炭湯兮嗟我寡翼安能厲兮顧瞻北斗中心惕
兮授兮憫兮聊以卒歲兮

吊申徒狄賦

申徒狄諫紂不聽乃負石沉河而死

覽洪河之吐噏兮洵欲濟而無杭物有離而不回兮
勢有激而難當劇厥人之抗行兮羗自沉而弗疑恬

齊志以長畢兮庶聞者其猶悟之彌六合以設弋兮
鸞鳥騰而不反蛟龍湧以避害兮惟恐去之弗遠不
吾知其亦已兮何荃之忽焉而莫斯睹監四方以求
索兮孰聘美而釋女曰群汶汶以淆濁兮班予馬莫
之適也衆披離以障之兮又入而莫之白也進惴惴
余瞿遽兮固不若死之爲安寧負石以葬河魚之腹
孰忍利苗而盤桓竭誠信以諫君兮反罪過又謂欺
惟堅僻之類忠兮任飛廉而不疑余固知佞媚之能
周兮硜秉質莫之移也介塊處而無營兮又衆人之
所哈也旣謂于爲忠兮胡又附雷開與惡來旣曰切
人徼兮曷不委曲而導之悲時俗之顛倒兮先生獨
遭遇乎此時燕雀烏鵲噪堂堦兮鸞鳳出而見麇囊
余知材朴之爲崇兮廼強而不謂之信然苟作善降
之祥兮彼梅伯又何以顛掄規矩以改錯兮斯固時
之態也荃旣與彭咸齊名兮亦何必怨此害也鬱終
古其佗僚兮替悒悒之不可平循隋岸以邈迴兮戒
於船余怍營沂河流以投辭兮氣紆結而填臆慨往
后之迷誤兮社稷顛而用屋重曰昔有大夫曰申徒
兮懷瑾弗展負石投河兮寃抑內憤靈汎濫兮湍瀨
嗑嗑愁人心兮忠回倒植固庸態兮嗚呼先生女又
何對兮伯夷子胥與爾爲類兮

趙宋高宗爲康王築此以拒金人

隴側桑以欹根兮颺沙慘目而瀾漫勢斷屬而連天
兮寒蓬卷而翩翩覽靈波之汪洋兮惋九河之善崩
臨决口思前往兮尋北原之故營塹莽沒不可見兮
莽千里兮繁蒿旋風四起埃飛蔽日兮鴈失群之嘈
嘈怒壹鬱余顧懷兮夕駐馬乎河之渚想張韓之旆
旆兮望朱遷之雄壘嗚呼哀哉兮山陵委棄江介是
都登佞黜良兮社稷丘墟宮殿瓦礫兮二聖爲俘嗟
嗟彼何密而茲何仇復執迷而弗悟兮汚分疆而取
憂

甲于廟賦

清集卷二

五賦

正統己巳之變少保公有社稷之功

棟宇頽折兮四顧無垣鴿雀嗚噪兮雪壅其門風衝
激以拂帷兮慘九州之肅泠軒長河以飲景兮飛光
至而舒靈何先生遭不造兮定危邦而永存用才者
終固鮮兮孰震滿而完身顧瞻宋京兮追念雙帝組
頸爲虜兮單馬北逝虎臣視而誰何兮英雄竄而蓬
蒿有憤壅蔽而發疽兮亦有垂成而反被劉嗚呼先
生成敗難以逆度禍福不可豫謀死苟足以利於國
兮洵齏醢而焉求

弔鸚鵡洲賦

承

帝皇之嘉惠兮荷在陋而明揚信枯楊而再

華兮懼身微而命彰歲協洽以南驚兮觸炎日之盛
陽浮江漢以長邁兮過夏口之故城洲蹇產以隄隄
兮劃衝江而絕流覩佳名而中惕兮弔斯人之不修
我旣佩明月與寶璐何不遂凌世而高步舍玉駟而
不駕兮又奚暇與豺狼而爭路惟聖人之貴時兮神
龍豈人得而縻彼鸞鳳之謂瑞兮固亦以其高舉而
見希何先生之靈燁兮獨不深藏而遠游也倘取方
以捐育兮吾恐睿者之所充也繁炎鼎之旣淪兮世
淆濁而崩改操梟視而虎噬兮祖又貪夫厥土荃縱
不甘心於厥儔兮獨不可色斯舉也嶢嶢者將必缺
兮余固知仇者之不與也矯吾權以淹留兮情覽望
而增傷靈悄怛而如見兮聆湍瀨之浪浪山壘壘以
來合兮孤墳鬱而嵯嶮誦英篇以沉顧兮痛翠禽之
蚤戕物有以舌羈縛兮人有以才隕身譬用機各攸
當兮恨見幾之不先心屈佛以悒悒兮翳營營之不
可留沛揚楫以東進兮順武昌而下舟遡巖岸以却
視兮投哀些於斯洲

哀郢賦

嶮嶮崎以旁靡兮困京顏之倅慚隍壘齟而莽沒夕
飈勃興沓兮闐鞞水鳴叫而巖斬靦敖墳之嶮嶮兮
躋莊王之登檢泊石城以眴睠兮望江陵而涕流壯
洞庭之淼淼兮槩江漢之玄洲掩陳蔡之弱郢兮控

荆揚而上游俯難瀨之淺淺兮傷楚平之破丘伍負
奔吳兮屈生浮湘懷行罔返兮厥民用喪蘭臺肆侈
兮玉差進淫陽春消歇兮黃鳥沾襟陵井塌而狐穴
俾人哀而迄今

汎彭蠡賦

正德六年夏五月李子赴官江西南道彭蠡之
湖作賦曰

仲夏悵悵兮湖水洶湧戒舫舟而逆進兮志定意恐
朝發湖口兮巉石纜牽槍帆午張兮陵急洋而縱船
洪澇吞吐兮杳莫界際淡漫瀆洗神精搖兮浪起伏
而來曳曩余誦夏記與酈經兮識彭蠡而心慕繁厥

高集卷二

七一賦

水集流夥兮挾十州川而北注合岷江東之爲東江
兮脇揚吳而騰海包敷淺而瀦之兮撼巨廬而使改
惟據巨者附斯衆兮滿之者驟必溢彼何恠弗之潛
兮抑何摧而靡殛射者萬鼓之千兮叢谿壑之湊趨
澎霆崩以箭疾兮勢嶽頽而電舒匯莫究始兮散孰
察其終龍蛇逐之何載兮至今窟而以宮祈之錫嘏
兮侮之掇青怒之風雷愉之霽兮亦厥靈之攸逞潮
崖峇以厯閔兮條當晝而忽陰上下旣顛置兮孰又
辨昕昏與北南睇衆山之劔攢兮爭負高而竟降闕
膏麓之淤澱兮奄焉墊而爲江緣木末而巢室兮民
浮居而舳艫悼隻雛之寒嘯兮寂氓濱而守鼠亂左

蠡之沸沸兮壯康郎之浩汗濤沃日而明暗兮巒島
潛而渙散瀾已俛而復昂兮渦溢凜而接連瀧無風
以橫飛兮潭澄渟而布漣龍夭矯以戲灑兮粵枿汎
而吹沫芄蚴沕之昧昧兮魚鱉貫而鱖鱖具區洞庭
方余不暇兮懼九圍混而黝冥苟清濁軋其頌頌兮
聖愚一而泯靈胡弱草丹而華兮反泓樓而矜彩鳧
此龍鬚葶蘆蓊菰繁其被汀兮紛振翰而雲駭彼陽
鳥旣逝兮鶻鴟嘻而專已羸水馬以闖犀兮蛤又濡
珠而曝殼詭殊錯以跳踉兮有曲牙而鹿其角旣逆
鱗而返舌兮復殞首而象鼻汙針尾而戟鬚兮族氾
氾乎濇濇誰非含生而願遂睹彊柔之鬪齊兮唾陽

空齋集卷二

八一賦

侯之懦怠縱鱷鼉之恣肆兮甘失職而蔓災虞坤漏
而陸沉兮儵一嘆而三泣蜮吸颺而排砂兮時負渚
而人立濺雨迸而冠岫兮岸衝撥而壑落詭妖譎之
多態兮魄撼促而心愕瞬兮異觀恍兮變索究之諒
奚以兮聊戢楫而遊滂夕景掣以波下兮石鐘磬礮
而竅吟追三苗之即叙兮宣文命之訖敷彼九江未
之殷兮余誠憂鬼類之聒呼迺撓人之罔諳兮祠九
首而丐邪愚者吾靡疵兮鄙明賢之用頗景神姦之
勤算兮數歷鉉誰弗竟危魍魎支祈倔強伺間兮愉
臨湖而嘯悲

觀瀑布賦

空炎陽以北邁兮遡敷原之上疆遵嶽南而遐陟兮
廓睛流而志揚日旄旒以景旒兮嶰崎嶇乎微行峰
吞吐而迓余兮嵐捍翕而颺路超歸宗以翹盼兮觀
開先之瀑布論前記而髣髴之兮眩飛空之孤形誦
銀河之逸句兮精陟天而九征挾巖潭以上氣兮接
神漢而並垂積雲左右以傳彩兮霞表裏而秀姿沫
霏霏之晝霧兮岷丹翠滌而蕤蕤光金黛而亘霄兮
浩呼洶之湧湧龍朝帝以潮從兮虹爲梁之總總韉
若華以西曜兮東扶木兮倚明星辰涵而布錯兮岳
瀆影之其中絢練恍惚百恠潛兮勢明晦而無恒睇
之若住忽奔噴兮石雷壑而驟崩經香鑪以慰紫兮

破雙劍而冰橫踰黃巖以珠逆兮籠王殿而金煙濯
炎女之玄髮兮苔離根而永生掛洞宮之暮幕兮隱
芝箭而懷情沸混混之爛爛兮飈瑟馭而涼風泉滾
滾而安竭兮孰尋源而卒窮茲劃割以縉紛兮渥華
巔而分派水簾谷簾亞之揚兮靈終古而并戴巍嶽
嶺而上行兮疑質違而性非蒙井厥流常兮譬鍼顛
而血隨吞日月以膏顏兮震雲氛之翼翼江海巨而
昏墊兮哀趨卑而罔直體融陰而內陽兮準坎離而
向背嚴不蓄類迺澤物兮醜彭蠡之汪穢浮朱鳥之
寒景兮爭龍騰而攄掣擊高者韻斯宏兮谷哨啄而
坤坼赫翩翩以倏眇兮小鴈蕩而不眠露霜霾而離

離兮處遼域而孰知怒璫罕以思逞兮石岵峒之嶠
峭晴電追之霆突兮信駭觀而搖臆猿豐壘以竊窺
兮倚石鏡而呶嘯燿焯灼燿的爍皎兮類至人之懸
照矜颯逞徠兮翔太始而留耀歌曰造龍池而叩之
兮究瀑布之肇踪巔湧而壑射兮誠神靈之攸鍾轟
邇惑而遐暝兮壯二儀而永效磬鬼恠避鑑鑿兮微
瀑孰以察逝者之高妙伊動者必定兮潭窅沕而淵
峯礪之灑而寧之清兮厥金水之共質亂曰相彼山
泉澗瀍邇漩勾谿朋漣洵遵科以造海竟隨流而泯
瀾覩厥瀑之靈詭反群詫而肯誹吾苟若天地以遺
聲跡亦奚暇校高下與狐疑

泊雲夢賦

晉書集卷三

十一賦

蘇

將超野豬之湖風西而阻乙丙丁戊允颶颶颶
旬餘轉迅問之老人曰此南陽之風也厥陰始
生應諸少陰之方

幼余紛以好覽兮懷長風而浪濤夏匯液之浩浩兮
阻雲夢之逆颶哀南紀之攸墊兮包荆衡之衆山貫
江漢以爲絡兮勢朝宗而播瀾翼潛沱之翩翩兮掖
景陵之峩原吞沔鄂之曾隰兮洸逶迤而炭患坻岷
岷兮掩翳橫余前兮兼葭紛而蔽天月重陰以繁雨
兮駭厥鴟爲之先鳴邁大別以悠沂兮蓮少陰妬而
用情次大澤之巖陘兮睇風雲之上征惟彼斗酌而

靡均兮縱柔金以噓吸孤心昏以徒爛兮越西流之
避及覽萬情之翻覆兮爰背坎而向離指朝景以辨
位兮定星辰而訊期極明晦之變態兮盡洋滂之滂
滂倚艤牕以凝睇兮數周圍之峻岑勤伯禹之土又
坤維奠而至今情瀆混以無依兮聊唁昔而周章慨
五湖之見幾兮詠孺音於滄浪胡洞庭之險塹兮三
苗區而蕪滅舳艫蔽江以來下兮孰攘攘而非衣食
往者旣不可追兮吾寧俟時而矯心掇陽濬之文貝
兮采芳芷於漢潯龍擾余以負舫兮珠夜游而光吐
憑烈性之難抑兮淚浪浪墮而思古誦曰昔有郊郢
厥惟楚都實邊雲夢百雉其郭何村弗殖寶玉明錯
魚驚麇麇於初訐訐麇麇甫齒革毛角有茜有聖
各以類積礪礪岳岳服食之屬芋臬絲葛甘菹苦酢
靈餌珍藥觥弩勁斡犀甲狼毒王府充溢宮室棺槨
商旅沓至貿遷繹繹漁牧諧足鳴琴巷鄂國以富強
鞭撻晉秦挾鄭狩獵出入二數旌旗千里戈船璘玢
金銀瓌瑾條呻忽閃獸柴鳥墜追者稱善後王何道
游關靡返懷沙奮辭邦墟憐惋

漢濱賦

余過解佩灘憶交甫遇女之事於心感焉作漢

濱賦

夫何二女之頽麗兮遵蘭皋而並翔順微風以鸞顧

空同先生集卷第三

北郡李夢陽撰

賦一十五首

放龜賦

大復山賦

河中書院賦

朱槿賦

感音賦

堯賦

鳴鶴應鐘賦

觀禁中落葉賦

惡鳥賦

鵲賦

螺杯賦

貢禽賦

水車賦

四友亭賦

冬遊賦

膏集卷三

一賦

准

賦一十五首

放龜賦

畜有二龜李坪驛俯長江之流目發育之溶溶
怛然有傷於二物復思趙抃放龜事千載同懷
爰放二龜於江潭已作斯賦比興諸義聊抒鬱
志非諷一而勸百者擬也喻兒子亦作

精網緼以游魂兮各含和而構形何茲物之詭異兮
獨神超而蘊靈準麟鳳之隱見兮呼吸陰陽而卷舒
善伸縮以遠患兮匹神龍而水居嘆賦命之多蹇兮
遇且網而見執蒙君子之珍視兮戒航舟而並畜仁
人細弗棄兮迺伊欽余之素貞曰雕籠豈林游若兮

爰偉賢哲而用情譬機羈之願脫兮慮曳尾及而遲
暮俯洪波以余縱兮瞪長江而徑步歌曰醜混混以
流形兮孰厥龜而副嘉外負介以昭武兮內文柔而
靜遐體穹窿以則乾兮履坤方而祛慝鄙饕餮之諛
世兮寧吞浮而飲息沐澄泠以棲寂兮戢潭荷而保
身文於列以布象兮色蒼古而玢璘景至人之赴義
兮將剗中以効誠怨穆卜之靡諧兮懼捐軀而莫明
賡歌曰江滔滔以東下兮兼葭菴而波濤幸已縻而
終逝兮劃順泛而長逃念曩昔以中傷兮數惟拘縱
之所殊思范楫以依徙兮願附孔而海桴鳥故林以
悲鳴兮獸躡躅於前丘軫宿秦以廻逵兮躍溲溲而
涕流亂曰聖欽元龜戒朶頤兮十朋四靈榮以時兮
淵潛罔沕出斯縻兮求仁見夢厥無惑兮剗腸灼螯
爰奚益兮謚兮麗兮齊天地徜徉兮

大復山賦

夫大復山者荆徼之名山淮實出焉淮過桐栢
始著於是禹道淮桐栢始淮山二精發於何生
產諸申陽何生於是自稱大復子實非遺淮要
有攸先焉耳余珍其人爰造斯賦不煩諦瓊義
意畢矣然辭猥調邇知音君子諒有譏焉或曰
此山胎簪亦其名云

噫吁戲厥山峻嶒峒兮填鴻龐而導九川爾其巖巖

隗隗崆嶲巍躑增峯重崒合沓蔽日曲勃焉安連巉
巉而棧棧廼有危峯七十崑岳岳晴嶼岬岬松栢
蒙焉千里望之蟾蜍飛飛兮若鬪龍之附於天也頽
而察之萬山駢戢劒森戟攢爛若踴蓮下則無底之
谷呬坤維而曳玄淵昔盤古氏作茲焉用宅是以濁
清判三紀揭頽洞開明劃日月厥山旣形餘乃發故
爾上冠星精下首地絡聚膏以爲崇滲津以成川竅
若浮肺萬谷淖旋神瀑湧焉飛流崩嵯走壑蹴石噴
雪釘鐘礮砰鏗錡迅霆擊虹震于太空若其勢磅礴
逆折狀若胎簪嵩首殿其北荆沔包其南右標熊耳
之嶺左朝桐栢之山其陰則凝氷積雪晦明條忽翠

篠丹澤其陽遊飈吸歛重黎攸宮東有日華之林陽
榮之風西則涼霏素露淒淒清清珠樹粲英若爾材
林浮雲寶藏蕃興騰氣籟氛至其觸膚寸而起也櫪
櫪手波駭山靡不終朝而天下雨也於是生人立禽
獸伏草木殖靈芝秀宮闕醴泉噴其側於上則神鵠
威鳳翱翔吸甘華百鳥從之振翰若雲中有玄熊綠
羆騶虞游麟猿揉麀麀磨百千爲群樵採牧獵之子唱
歌出林響振峽谷咸蹶躡迸逸不見踪跡於下則長
淮發源配天迪坤混混汙汙江河並尊受珪上帝䟽
穢錫存乃有祈靈丐禧梯航而來沉玉瘞壁闐塞路
達若爾幽崑之栖真兮三三兩兩御飈轂抗霓旌左

控白鹿右翳紫莖燎兮若將逝邇延立迴風淹留兮
攀林薄逍遙兮山中於是稱曰春草兮萋萋思公子
兮傷悲君處叢篁兮終幽險虎豹暮咆兮蛇虺舔談
公子兮歸來雲冥冥兮石瀨潺湲

河中書院賦

鄉人呂氏以諫官謫蒲蒲故有廟娥眉側祠太
山也呂至移文廢焉曰山川之神祭不踰境非
鬼而祭孔門諂之某職叨佐邦靡敢弗經也以
問其守守曰敢不惟程問之校校官若士曰程
敢不承察諸民民翕翕欣若有興也於是廢其
廟稱書院焉而祠有虞氏於內曰蒲舜都也配

空同集卷三

四 賦

以夷齊從以王薛左之名宦右之鄉賢量宇聚
徒區田祀養考鐘伐鼓視履迪業李子聞之曰
善哉呂氏知教本矣夫驅邪以端拔慝以常伐
慝以昭破淫以義是故君子之於邦也不患不
從而患弗躬躬義布昭敷常表端以是而教辭
不率矣何也四者其本也然又斷之以獨協之
以同行之以勇迺奚往不濟矣夫淫祠罔福故
鐘巫禍隱神降亡號往鑿具燭然河投娶婦祠
毀妬女世每罕聞何也怯者休于利害疑者沮
于異同庸者安于習俗才者憚於改格故曰非
勇何行非同何助非斷何成三者既獲四本迺

立然後經定程堅教斯興矣是故君子不爭而
醜莫不同不煩而衆莫不從標立而影隨近聲
而遠應凡以是爾李子曰余爲呂作賦將以比
音摘調泛絃流管俾大者歌小者哦觀者采焉

陳之太師爰知蒲政賦曰

帝炎氏之蟬聯兮厥岳四而布分龍九川以蘊根兮
中敷葉而竟芬翊華蓋以陟降兮遘白日之旣夕愈
攙槍以抗言兮帝乃怒而遐斥攬余轡以周游兮登
蛾眉而縱觀睇巍廟而增欵兮愾下淫而上殘曰囂
囂魯所瞻兮嗒胡爲乎蒲之壤非其鬼而祭之諂兮
曾謂泰山不如林放惟時俗之詭譎兮恒造怪而亂

金剛集卷三

五賦

真日隱求以僂福兮徂惑群而誤民宇幟嶸以嶽立
兮岩廊翼而雲梅旣竊號以據要兮復創形以之鑄
鏤內泥苴而樗惡兮外猱獯而儼嚴冒衣冠而土食
兮燁朱楹而繡簾龍蚴蟉以梁騰兮獸夾隅兮躩踞
鈴荅臘以簷鳴兮幢繽紛而旖旎執命柄以消息兮
握陰陽而運樞怒之雷霆悅春陽兮役鬼神與豹羆
生吾生而死吾死兮謂苦樂死而遽殊苦桎梏以僂
憇兮樂羽葆而駟輿衆駭心以挫目兮伊誰辯渠之
假真民溷溷以朋從兮憧情迷而喪身蹇彳亍以攬
涕兮哀斯人之無知軫聖者之故都兮蓬蒿鞠而徑
岐山四雲以波湧兮日晡晚而就沉河洶洶以趨下

兮松栢暮而風吟班余馬以比首兮望九天而魂征
招飛虬駟而上訴兮閭闔闐而晝扃余回駕以東指
兮薄日觀而聊憇願釋誣以祛穢兮岱謝余以弗哲
沛蒼野以遼邁兮即重華而跼蹶靈總總以騰陟兮
爛北逝而後先臨舊京以邈延兮倏若去而中留颺
拂巘以明滅兮右涉瀨而夷猶掃除兮蕩滌清宮兮
供張風泠泠兮入牖神陸離兮果降羅桂漿兮椒食
琴瑟作兮鏘佩玉悅彷彿兮莫親工祝告我兮顯則
曰俗不可戶說道不可塗求端物者端已治人者自
修二氣推盪禍福倚伏時固常泰日中乃旻王革以
義霸救以力巡守廢歇明堂載黜爾乃七十二君封

嵩集卷三

六賦

賦

禪侈矜玉符金檢顛崕是登夫習沿於龔勢積於成
昭縮以獨愚淪以朋踰分之祀匪今則承立經斥妄
言諄志勤爰惟政本珉哉爾欣

朱槿賦

司陽兮煽烈涉秋兮逾熾覽逝兮中蘊游物兮揄志
躋庭木之榮麗閔含芳之不修傾朝曦以擢華夕景
至而墮枯伊賦形之靡移諒天道而奚私幸見標於
哲典厥登詠於刪詩何有性而易遷恒隨所而盤據
條荏苒而孔弱葉縈陰而繁布蒙薰風之拂披爰修
妍而運縟旣抽鉛以剖絳遂希芬而效馥濡溥露以
膏韻藉垂光於杲日熨炎陽之靜彩褻絕代之英質

態疑層而遽損媚若歛而復出光飄灼而靡定恍若
流霞過茂草爛若慶雲遊春沼宛窈窕窈窕猶縹緲
或爾托文堂之隙寓奉君子之榮輝側朱陛以敷陰
競葵榴於赤墀屈纖枝於皓腕徵瓠齒而清歌嘆形
微而寵重屢回笑而增醜天暮日夕頽銷華落辭高
墊卑飄蕪汎濁檻塵池緯撲簾續幙或委空曲或飛
土苴颯叢廻波蹂踏坐隅觴停鐙昏主倦客煩烏履
無序折釵碎鈿几席狼籍命駕歸旋於是棄勝擅嬙
愁女怨姬出幽房步苔階揜金局吟殿月掩團扇而
涕零徙長門而望闕攀斯木以凝盼掇實葦而中熱
足將進而踟躕立長廊之肅陰軫蘭臺而首疾咎增
城而痛襟思愴怳以攢內泗交頸而淫淫嗟容色之
難恃慨懼憊而異營佩薰芳以順委庶生榮而沒寧

感音賦

雲笥集卷三

七賦

夕杪春之嘉月美桃李之芳陰躡飛陸之微霜仰天
漢之橫參切逸弄而駭顧識六孔之流音起於綠波
之濱翔乎綺旒之林芊緜手縹緲放肆而續紛激樞
軒遏行雲遘迴風以中絕鬱哽咽而斷續詳乍浮而
乍沉度情回而思曲積憤迅發金鐵齊鳴壯士怒而
髮豎砮石裂而崩驚逐臣嘆而孑子孤子伸而竊憐
爰抑節以徐訴信悠悠而誰宣類慕仇之隻禽悵山
危而海深離虬舞而不持嫠婦啼而夜吟託黃鐘以

根奏旋少陰而寂寥衆淹泣而不忍精慘慟而魂銷
思躡跡以寄權軫天路之昏邈苟浮雲之足攀願假
翼而申約誦春陽以增欵懷冲調而鍼心情氤氳以
中結神恍惚而外姪外姪兮躑躅若臨水兮將別遵
大路以翱翔摻垂條而采折期布志於情親懼馨香
之易歇詠落梅以自明幸傾筐之在挈誠蘭質之見
珍畢余身以長訣

噫賦

人秉陰陽皮毛肺兮六淫相薄風斯噫兮彼我牽念
噫亦至兮靈往精徙固以類兮逐臣兮江濱放子兮
辭疆思鬱抑兮內結嚴飈慘而肌傷憩懷沙於夕風
履中野之晨霜涕噴迅而染鼻洩交頸而浪浪疾有
幸而甘心情有離而中還嘆終風以踟躕爰託聲於
願言步蠟燭之蕪苔曳廻颺而影旋幸回光而一噫
倘顧笑而申懽痛華絲兮衆進懼黃裳而永捐

鳴鶴應鐘賦

惟懸金之奏響或宣晨而報夕旣朋趨以典列爰計
晷而旋服何茲禽之抱慧矯圓吭而振羽驟回颺以
衍衍跂浮雲而望翥應昕昏以引唳暢幽積于清吟
衆喧闐以畢日孰詳忱而撫音步踈褻以延志歷堂
陰而俛啄怨情遐而跡凡恐霜儀之永濁豈予居之
未擇諒時命之靡齊悵玄圃以孤逝匹文鸞而接飛

觀禁中落葉賦

颺溲戾以寥蕭兮廊宇靜而蕭條覽宮木之墮零兮
哀貴賤而並凋辭珍柯而永絕兮遶回風而吹舉憾
金鋪以撼颯兮排紫闥而求侶爲長飈之所接兮條
激響於青雲襲日月之末耀兮攢玉階而委身譬賤
士之利實効琛贄而熙載離鄉土而遠適心縈思而
搖旆忽兮若聚儵兮分散儻碩果之見知即萎離其
何惋

惡鳥賦

厥何區之叢醜爰賦形而不淑毛拳跼而頸豎秉陰
陽之奸濁體癰腫而截彘惟鉤喙而鬼目誠昏譎而

雲南集卷三

九賦

七

妖穢枉氣化而生育恒聞聲而罕見畏衆鳥之追捕
懼杲日之融顯羗宵征而晝伏棲託軀於惡榦浴刷
羽於汚流嗟錫腐之是飽棘墓門而巢幽旣寒炎而
罔識詎孝友之能服羣磔母而始習雌同卵而求匹
昧懼嘉之美音乃前凶而豫稜集何方而不惡鳴吉
違而承吝君子獲而外咎小人遭而中鑠恃詭秘而
靡覲愈騰驕而翔虐上帝握令神明予奪豈曰不知
庇此沴族無因獲蓄賢弗有祥過遺之音夜誰可防
周鴉哀訴賈鵬嘆傷帝曰人命有初禍福不爽禽得
氣先終豈女戕

鵲賦

有翩翩之珍鳥秉陽剛而含哲擇喬幹而託處信于
飛而頽頽性靈達而好靜恒相時而豫移知多風之
害患則徙巢於下枝善傳祥而遞音類明士之幾悟
遠林岩之遐閭遊庭松而棲寓虞矰弋之見尋於君
子乎是依飲九霄之曙露啄嘉實之離離黃鐘厥月
天地閉藏雪霰紛其交下烈風嚴而雨霜羣植寥平
未拆諸動潛于深密羨斯鳥之前覺獨銜槁而營室
隆象天體方則地矩義備晦明智敵風雨諧擊衝之
玄括背太歲而啓戶諒網繆之軫心黯拮据而誰語
慨春陽之未臨聊俟時而共嬉感主人之隆篤戒彈
矢而罔欺步玉除以俛啄微風跂而自閒冀融景以
驥躍昂清雲而拂旋激神化以耀德逢印赦而幻遷
庶遺安於衆鳩順天命而自然

螺杯賦

左參議屠君宴客出螺杯焉天然厥形精瑩異
常屠君曰螺江物也得諸漁人托之以金可注
可飲稱杯焉右使黃公見之喜不自勝黃素於
酒溢於是則連飲數螺螺迴酒不輒醕也黃便
仰唇傾務盡之許詩贈螺李子作賦賦曰

何物詭形旋尾敞口厥腹彭亨藏深廣受若仰復翹
匪方匪圓珠姿瑩澈質脆精堅五色文錯素浮擅焉
扣之金聲玉避其溫含華結液海鱗疊紋苔潤浸積

幽光吐吞昔嬉大洋今佐貴尊違彼龍窟媚我綺席
枯殺不捐主人優渥鑠金靡熟墮指罔裂天然逞殊
焉雕焉斲疑如竅壁映猶飄雪公輸無所措其巧王
爾祗自慚其拙烏履雜嚙堆腥蹂鮮理爵登几飛觥
四筵醲不及寫揮竿吹誼螺於其時傾之不醞頓之
靡安心焦意煩宜瓶罍所笑而觴罈居前也才會俊
集風榭月夕崇潔進高揮鏤擯瑯彼黃流螺以壽
客目悅情愛悟義推德納洪舉輕類有餘兮飲不輒
罄藏若愚兮屢傾屢至來徐徐兮非藉弗安相厥處
兮外瑩內虛以授爲容兮旋形錯彩潛友龍兮吸月
之華奴蚺蟀兮翔于溟溟瑞由江兮委身君子侯時
庸兮

貢禽賦

異乎翩哉黃旗南來海奇越珍鳴舞伊軋戲船續紘
毛羽絢爛走飛縉縉美妙極臻步止異常巨細情態
駭人哉則秦吉了畫眉山鷓五色鸚鵡番雞孔雀綠
鳩火鳩白鷗紅鴉猿則金絲通臂猿狝獼猴小大什
伍有朱喙丹距玄體白趾絳冠翠衿黼黻相倚蒼黃
文錯頸繡練尾紺目巘額金花鐵背旋如雪廻並猶
錦聚詭質慧心巧舌人語清若笙簧睨睨滑瀏爾其
選山澤設長羅搜妍迹捕流影購工懸賞效獻思逞
祖馮皆作劇閑齊警萬人波逐千騎林騁下無踰獸

上無康翮十百獲一地揜天又於是飾雕籠裝寶絡
戒虞官慎水食有山林之所未有食人之所未食而
乃辭島邦別瘴隅道蒼梧逾番禺入江湖歷荆徐艱
難萬里達于京都域有濕燥氣有涼炎春行秋至溫
不敵嚴毛顛尾鍛鮮落瘁添經城吏懼邁野民憂幸
其過速歛錢而賅至則昂天軒覲豪門振紫庭浴漢
潭美豢宮坊殿縱上林豢者如浮縱者若沉味不升
俎毛革不御此何物者而蒙是榮遇拔微登賤永棄
方土於是歌曰聖王却珍禽獸靡哉貴賢游德麟遊
鳳儀役神遐異厥民之厲白狼以歸荒服不至

水車賦

清集卷三

十一賦

厥甃有輪一側一覆覆者旋左側承以屬各有犬牙
錯銜摩軋象彼兩儀環周樞幹有百其屨牽聯承乘
必噓斯降有挈乃升成功者退四序之旨行息棘紆
於厥輪視噓者受一受者在中長槽引之無寫弗通
受曰含弘通曰流形默濡旁漑支洄源淳其動也時
其靜也虛一氓操之與造化競驅夫其惟水車乎

四友亭賦

夫物有情契事有偶同人大觀氣有流通故
一本而視同體之義存焉體物著用因心之懿
宣焉命友以四倫數之天天定物合事之奇也
闡名設亭訓之推也故墳羗之音暢於家而後

孝弟之風行於國何則敦薄銷鄙非久弗著也
故詩曰和樂且湛久莫要於不變不變莫如松
竹梅栢人友其一而亭其間而盤而桓所謂事
同情契可以大觀者歟矧吾一氣也乾父坤母
物不吾異也哉於是賦之賦也

繫許氏之爲亭也左崇嶺右大江架軒豁軒紛龐占
巨域符名邦上納巒岼下壓濤瀧屹鐵城之東圻割
勾吳之西封圍之以金焦之秀標之以芝山之峰爾
其經始也召班爾謀詹咸諦璇曆證虎鈴伐直材於
太古之谷礪文石於千仞之巔慎陶鍛而兼美雖鏤
雕而務堅旣測圭以定景復銓辰而考躔信抱形以

回勢亦負阜而面川則大壯以弘義乃取乎上棟下
宇法三才而樹本故使之下方上圓懼窒閉之傷順
則以之四洞入達惡巧麗之賊久斯尚夫樸厚渾全
孤立乎曠闊之囿俯瞰乎蒿繇之阡而乃藻常棣而
爲梁粢紫荊而爲牆雜之以蘭夷椒桂繪之以玉碧
文章苞忠厚以爲基準虛明而開窓仰穹窿而體健
俛靜直而效方遵扁啓於昕暮式向背於陰陽於是
則徙嶰谷之梢運徂徠之榦拔新甫之竒挺收孤山
之芳翫水潤火暄義培仁灌冲和融結寒暑變換條
華歛華俄聚乍散玉琤雲鬱素飄蒼爛或偃蹇牖戶
或昂藏霄漢或魏若大夫或瘠若君子或如幽岵綠

寰翁或如空谷白駒士或岳岳而立或娟娟而倚判
體合蘊殊狀詭形輪囷離奇劖削媵娉望之溟濛就
之矜嶸日爲之視風爲之聽雨爲之沐雷爲之醒烟
爲之韻神爲之冥茲四物者非所謂天下之至靈歟
而奚萃吾亭也廼有蘭昆玉季鴈行雙雙攀勁拊修
振英傑穠人取其一稱爲四友乃於是召上客呼戚
儔敞翠帟羅珍羞膾江鮮剝吳牛進楚舞徵齊謳飛
兕觥列清壺益之越錯侑之海腹解帶傾庶羞促節
紛高倡絙伐木之亂簧闋墻之章欽友于之嘉懿悲
粟布之見戕調瑟瑟於旣具沸填箎之遺響已而樂
希顏酤主賓共起徘徊於四靈之下衍遊於葱翁之

飭吸霜柯之明雪飲蒼王之浮涼拾香鈴以藝鼎採
寒葩而泛觴掣懸茗於上枝散啁雀於叢芳避松徑
以行丹鶴護竹實而需鳳凰於是各命侍兒逝節緩
歌出飲入趨絲肉相和松兒歌曰若有人兮佩鳴環
修蒼髯兮抗冰顏抗冰顏兮吾之友心莫逆兮萬斯
壽竹兒賡之曰有美一人其修如玉翩翩翠袖日暮
空谷暮空谷兮憺忘歸居有朋兮我心怡梅兒賡曰
子醜妍兮華我惡於子游兮元之素元素本無垢歲
寒願相守栢兒賡曰冠莪莪劒陸離綠髮旣毳褐歲
蕤歲蕤靡時改中路莫疑悔歌畢主人乃還客入亭
復坐引觥而各不自覺其頽然醉矣客則強起婆娑

舞其歌斷續弗調似亦賡前歌也歌曰吳江落楓洞庭下橘朔風有嚴玄冥變律露露溟溟慘兮而慄龍蛇以蟄百卉蕭瑟堅者隕榮脆者銷質是時也不有此四友者於斯亭也孰與壯天地而光日月哉

冬游賦

仲月之交役車旣休草木變落水涸不流於時駕車命侶辭闈涉防斤長阡以橫目眇烟藪之蒼蒼零露下而草濕清霜飛而栢傷浮雲翼其四起高鳥止而復翔詫途隅之鴻構忽危榭而重樓破千金以營域鋼九泉而爲丘嘆狐鼠之無忌覽榛棘而懷憂爰息輪以陟崇眺城觀之霏藹日陰陰以向暝雲蕭蕭而歸海念皇衢之如砥懼前路之中改冀蓄陽以發春準四節而成載

空同先生集卷第四

北郡李夢陽撰

詩 古體

四言一十五首

裡社

辟雍

甘露

觀牲

效五子之歌

有鴟

青青者莆

有兔

河之楊

我行

始雷

我出城圍

河之渚

型範

空同集卷四

一 詩

唐

歸壽

四言一十五首

裡社

裡社紀成也今

上肇禮于社臣夢陽以戶部員外郎從而賦裡

社

元年仲春吉日維戊 天子肇修于社式對二后協

於百辟既祗既戒其日丁巳三星彗彗

百辟至止萃於臯門三星在隅乃辟乃闈有滄其靈

有零其雨赤舄蹕蹕于壇之所

八佾剡剡百燎盈庭左金右石牖鼓孔行 帝命元

臣曰戎朕代式虔式穆厥維朕載
元臣受命爰肅其躬月出則光三星在中磬管嗶
嗶有萬斯舞爰配二辟犧尊維俎

於神來格殷殷番龍旂載揚雷霆嗶嗶明明對越
肅肅奔走神既醉飽錫辟之祐

適皇纘業配天于京三辰允禎曰雨曰暘皇降嘉實
來牟黍社敷文戡戈克紹冢上

禋社六章章八句

辟雍

辟雍紀視學也

天子至止于彼辟雍和鸞央央其來雍雍象輅金衡

有蒼其龍光于廟宮是依是崇

吉日維申修我元祀皇祝設樂鏞鼓萬舞有筐有篚
以享以祀群執肅肅秉德弗渝

維其觀者三氏孫子其冠我我來忻來止翩彼鳳鳥
集于東林繹其觀者其爛如雲

自門徂基辟儼若思青衿濟濟以辟以師爰命祭
酒司業拜手訄哉嘉謀作民元后

帝若曰都戎言式弘匪道何程匪猷曷承載弼元理
維協乃有衆拜稽首天子萬壽

旗旒旆旆淵淵伐鼓皇發辟雍用惠下土自天降

休豐年穰穰藹藹王多吉人四國用康

辟雍六章章八句

甘露

甘露紀異也元年冬至甘露降于陵樹

於辟是興皇用錫祉苞有八業侯茂侯采
墳填壙壑有嚴廟官湛彼露斯既霑既降
湛彼露斯于松于柏是暨是掇罔匪澤澤
苑彼陵樹有爛其華盈盈蓊蓊光于邦家
蕩蕩上帝降監在茲維辟時格豈曰匪時
其時伊何厥陽載升爰液乃濡惠我孔明
其昭伊何曰 帝攸績靡濫靡僭甘澍斯獲
明明昊天是歆是臧臣作誦言告于萬方

詩集卷四

三詩

唐

甘露八章章四句

觀牲

觀牲大儀也

赫赫明明 天子攸行以修肇禘以對于上帝
天子至止觀牲于郊龍旂交交馬鳴蕭蕭

帝至于郊於赫有臨載穆載欽曰歲事是歆

帝降于圉犧人脫福羊牛鹿豕儷儷濯濯濯牲牲

翔 帝之圉其牲孔碩甫甫麋麋

城人伐鼓 帝至郊所于旄泝泝虎士孔武乘彼大
路八鸞與與昭于萬邦光于 皇祖

觀牲五章三章章四句二章章八句

效五子之歌正德年作

大禹曰咨咨太康女何樂于田十旬弗返百姓離逃
女厥緒用殄洛汭湯湯流于冀方曷歸曷歸我心憂
傷

大禹曰咨咨太康敬哉有土母荼毒下民母曰民小
母我崇尊天自我民明威

大禹曰咨咨太康天命難忱慎德者昌維帝克堪奄
有萬方乃罔攸序上帝殛罰女

大禹曰咨咨太康母遊于盤母荒于田母小人是庸
嗜貨靡不顛母曰予一人天下予何天方降爾瘡

大禹曰咨咨太康彼曰不減是謀是從此曰既經是

商書集卷四

四一詩

唐

戾是戕不念爾祖獨不念爾土嗚呼敬哉敬哉天罔
私隲女

效五子五章二章章九句一章八句二章
章六句

有鴟

有鴟諷也

有鴟有鴟集于喬林征夫遑遑以北以南居人之子
我是用覃

東人之子衣服粲粲西人之子車馬有爛中人之子
嚶嚶衍衍

誰屋室潭潭誰教祿有冠誰遇人艱難誰寤寐永嘆

爾視爾友令色令儀弗視爾友靡滅靡嘉爾視爾友
予德予哲背姻背姪罔不愆蔑

朔日日虧十月其雷山川震崩星辰逆行二三君子
匪疚匪疾曰時則然匪我敢逸

燕雀在堂翩翩其羽鱗鱗魴鱖在于河渚弗念弗畜
孰獲爾所小子作詩誨言式女

有鴟六章二章章六句三章章八句一章

四句

青青者蕭

青青者蕭感遇也

青青者蕭生于汗池旗旒有翩君子攸悲

空齋集卷四

五一詩

唐

有蕩者道其木喬喬有鳥嘒嘒女有巢漂援

有石巉巉在于中泉我思漑壘畏子不前

青青者蕭三章章四句

有兔

有兔閔獵穉也

有兔有兔其來趨趨有暈夔夔虞人之縛

有兔綏綏瞻子傷悲豈女有母我子無所

爾粟爾糜爾有猫狸云胡樂而

有兔三章二章章四句一章三句

河之揚

河之揚怨離也

河之楊其葉幡幡子之歸矣誰與我晤言

河之湍兮我心博兮庶見子旋兮

河之楊二章一章四句一章三句

我行

我行思也

采蠹采蠹于彼中野我行思子瞻望伊阻

我有邊有俎滑滑我酷坎坎我鼓反反我舞

有筵有凡我有桃李不見子都實維憂矣

我行三章章四句

始雷

雷于辰宜也然懼其弗施也弗威也又弗廣也

音集卷四

以詩

唐

作始雷

雷之磕兮西山之陽兮翕兮張兮發坤藏兮闡而昌

兮

雷之升兮列缺光兮驅罔象叶平兮劃幽匿兮維民之

福兮

雷虩虩兮民愬愬叶入兮施甘雨兮冒下土兮登我稷

黍兮

我出城闈

我出城闈閔水也嘉靖甲申秋久雨水涌陸

地行舟

我出城闈浩浩其流我車我馬登彼方舟昔也長薄

乃今舟之滔滔波塗昔也疇之

嗚呼蒼天雨無其極淤我良田浞我稼穡賣牛買船
賣鉏買楫夕之朝之濟有深涉

彼負者子涉寒號咷彼輦者子陷泥中濤彼車者子
馬顛濡毛彼往來者誰子冠蓋而遊遨

我出城闈三章章八句

河之渚之渚之渚送鮑氏也

河之渚是鴈與我駕我車載言送汝河水漚漚汝
舟淠淠冬十有一月甲申者歲

河之沙浩浩其霜人廬人處子也獨行廬匪不懷茲
非我邦豈無念處旋我舊鄉

清集卷四

七一詩

唐

舊山有廬溪則有魚有車馬驅有琴瑟笙竽烈風旆
旆寒日水瀨汝征汝過

山有栲亦或有柁魚潛于澗或在于沼芻蕘之言君
子敬聽慎爾威儀擇爾友朋

河之渚四章三章章八句一章七句

型範

型範省躬也

器土必型器竹必範綏則有蟬冠則有范哲人畏威
爰矜爰業省之察之春水是涉

帝命攸畀而胡罔嘉忽心乘之厥玉斯瑕聖戒罔念
賢省日三輿則倚之立則如參

空同先生集卷第五

於晉之大夫曰不可共北郡李夢陽撰

詩 古體三十二首

琴操五首

衛女操

慧蛾操

月星操

古調歌詩一十五首

河之水歌

雞鳴歌

叫天歌

賊逃歌

愍燠歌

欸乃歌

古已哉辭

招隱山辭

琴操五首

衛女操

舊說衛有賢女趙王聞其賢請聘之未至而王

薨太子曰吾聞齊桓公得衛女而霸今衛女賢

欲留之大夫曰不可若賢女必不我聽若聽必

不賢不可取也太子遂留之果不聽拘於深宮

空同集卷五

一一詩

漆室女操
哀鳳操

想像歌

內教場歌

招安歌

愍災歌

姚源歌

和方山子歌

三原王公壽辭

涼風辭

漆室女辭

思歸不得援琴而歌曲終自縊而死

有狐綏綏兮在彼河梁我欲濟之兮河無航瞻彼故丘兮淇水淺淺懷我父母兮不能奮翻嗟嗟不能奮翻予安用存兮

漆室女操

漆室女魯人也倚柱悲吟鄰人問曰欲嫁乎女曰吾憂國傷人心悲而嘯何言欲嫁乎遂自經而死

父母不聽女言女義不至公門嗟嗟柰何朝倚柱而吟暮倚柱而歌知我者謂我心憂不知我者謂我求為家子寧為地上之茂草誠不忍負巖墻而生

空齋集卷五

二 詩

慧蛾操

李子中庭而立有蛾窘於爵入禱而避之李子傷之作此操也

翼之漸漸兮入我禱兮慧遠賊兮信彼黠兮寧爾獲

哀鳳操

哀鳳操為漢中張子作也張子三十而夭予傷其孤貧無歸也援琴而哀之

鳳之來兮爾胡為兮牛有阜兮雞有棲鳳兮鳳兮今何歸傷哉命兮我心悲

思月星操

思月星操

元年冬十有一月其日巳卯月在寅位金宿來
襲李子見之而憂作此操也

陰陽舛錯亦孔之選斤斤其月有星薄之嗚呼天高
高在上意安若兮

古調歌詩一十五首

河之水歌

河之水歌李子為其子作也以子追不及

河之水流濺濺望父不見立河干

河水澆澆舟子搖櫓東方漸明我不得渡

想像歌

李子北行日夜行思其兄其兄亦日夜行於是

作想像之歌

霧邪煙邪行草莽者兄邪

雞鳴歌

雞鳴歌者李子去江西而作者也孤舟泝江漢

而上

東方白兮雞鳴膠膠鼓予權兮沙之坳明星上船桅

北斗入地離離盧中人逝而逝而

內教場歌

內教場歌者李子紀時事而作者也 帝自將

練兵於 內庭

雕弓豹韃騎白馬大明門前馬不下徑入內伐鼓大

同邪宣府邪將軍者許邪解一武臣不習威柰彼四夷

西內樹旗 皇介夜馳鳴砲烈火嗟嗟辛苦解二

叫天歌

叫天歌者撫民之所作也余聞而悲焉撮其詞

而比之音

彎弓兮帶刀彼誰者子逍遙牽我妻放火我言官府

怒我解一彼逍遙者誰子出門殺人騎馬城市汝何人

誰教汝騎馬解二持刃來特刃來彼殺我父兄我今遇

之必殺此僇彼答言奉黃榜解三安嗟嗟柰何柰何解三

彼不有官饑官賑之出有馬騎我有租有徭有役苦

楚胡不彼而解四

空同集卷五

四詩

故

招安歌

鷹饑則附我父順子逆子右父左彼則萬只誰曰千

只彼烹牛美妻尚望樵山而秉犁

賊逃歌

戈戟團團鳥飛不過汝安逃兮毒弩蛇予乎林之坳

兮君不見青衣來狼兵開

愍災歌

火之發兮城南暮飛城入兮勢衝礮急風逆不反我

心怛兮佛兮泪兮安得術嚶雨滅兮解一省之火自門

祖堂燒兩廊兮彼何樓者裂棟爆瓦天為赭兮煙噴

噴海湧照四野兮嗟何鳥聲怪而赤焰翔而不下兮

愍燠歌

東湖為陸而我無車有舟灘高水淺行不得以舒倉
浪天疾威我人七月不雨田龜折山而鱗鱗夫兮出
殺賊婦哭于盧疇給我食

姚源歌

嗟萃萃是何峯攢兮下則無底之壑血滌滌兮猛
獸食人岑岑禽鳥竦峙鷓鴣不可以為鳳枉爾飼兮
我聞不敢以言舉火來白刃帳下離哉翻縣官走前
奪驢後叫狗

欸乃歌

五更風打頭來兮嗟嗟欸乃船開努力齊兮欸乃力
把柁立兮欸乃努力上灘水平平緩兮欸乃北風雨
雪吹我寒兮欸乃日漸漸冥兮誰濟此川欸乃

和方山子歌

餞者在郊黃鳥交交楊柳蔭車有酒有着

右僕夫歌

何柳不黃何鳥不鳴匪無良朋懷我故鄉

右客歌

春水渙渙水鳥鳴喚追汝者誰白馬在岸

右舟子歌

食君琅玕佩君王環春蒲再茅北舟我還

集卷五

五十一詩

亥

右答歌

已哉辭

由衷醜貪孰之廉兮餐冰茹蘖乃疇苦汝節威武不
屈以身殉國此戾此賊彼毅彼力曰伊逮之逮之膺
矣已哉天乎命乎詎予改之吾曷懲矣粟滴瀝望首
陽之清泉兮有二人者從之汨乎終予年

三原王公壽辭

軒冕兮巍峩公之進兮群龍委蛇公今何所兮南山
岿峩誰與公兮逍遙 南山何有兮其雲油油出覆
四海兮歸抱一丘公朝攀兮暮與游徜徉宇內兮復
安求 綠桂兮丹阿公遊兮酒歌幅巾兮鷺羽婆娑
兮公舞壽且康兮慰我民望兮

右同集卷五

六一詩

招隱山辭

山之桂青青秋風綠葉冬不零王孫幾時歸山空蕙
草摧 山之草萋萋春花發桃源迷子規啼竹陰
日暮愁人心 秋之夕螢飛山風霜露沾人衣洞門
翳寒蘿柰茲華髮何

楚調歌一十二首

天門開

天門開兮冥冥沛余乘兮上征雷車兮電旗班陸離
兮四馳陽昭昭兮在下女翩翩兮媵予交不周兮易
離路超遠兮徒自苦涉海兮揚靈揖陽侯兮貝宮采

珊瑚兮嶼間折三秀兮水中望佳人兮不來吹洞簫
兮絕浦聊盤旋兮戲娛時不可兮再有

貽女

龍旌兮玄牲重闕兮紫府夫君兮不可以見女躑躅
兮徒自苦衝風起兮河曾波巖岬岬兮桂蘿折瓊蕊
兮貽女媒不通兮怨嗟若有人兮乘游龍佩蒼景兮
御清風陟帝左兮右降又翱翔兮極中君游兮崑崙
又夕宴兮王母緩節兮永歌紛佾兮繁舞望遙浦兮
御舸吹參差兮愁予

捐袂

捐袂兮沙裔遺襟兮澧浦御重華兮九疑觀潺湲兮
容與神之來兮六龍翳瓊枝兮翠葆驅豐隆兮挾百
靈來如雲兮去冥冥來躡霞兮去乘霓連蜷兮復
歲蕤山之桂兮江之楓雲颯颯兮吹秋風班予馬兮
延佇美要眇兮中渚

懷鄉

伐辛夷兮采芳芷葺荷屋兮蔭蘭渚佳人去兮不歸
靈連蜷兮愁望予涉世徑兮歷險阻駕玄驂兮又文
牡歲冉冉兮既不我留悵懷鄉兮汨夷猶菑藟離離
兮石間雨冥冥兮山之幽旋予馬兮故阿陟堂址兮
蹇女蘿霜露交下兮亭臯秋風夕兮洞庭波山何爲
兮龍從木何爲兮蒙密公有亭兮何不日鼓瑟日鼓

瑟兮復吹，饒儻娛樂兮萬福來。

君夷猶

登樓兮送君，日盈盈兮將落。曖弗鬱兮帶長薄，君夷猶兮吹間。並去作巢燕兮既辭，又鳴兮螭蛄紛軒蓋兮。總總君胡爲兮，南都若有人兮。被杜衡帶薜蘿兮，蕙纓中有懷兮。荃不知臨修路兮，悵天涯悵天涯兮。望煙渚信予美兮，誰與龍城兮。貝闕君暮趨兮，朝謁采芳芷兮。江中寄佳人兮天北。

騁望

送佳人兮江渚，嫋嫋兮雲氣下。鳥翩翩兮戾止，蟬暮吟兮獨苦。余遭迴兮隱軫，蹇中洲兮偃蹇。心相親兮口難言，目不覩兮日以遠。風濤兮浩蕩，涉浦兮騁望。蘭被汀兮歲蕤，杜參差兮夕漲。君稅楫兮前坻，復容與乎中渚。愴况兮將從，儻淹留兮誰與。

雩旱歌

望君兮曾波，雨霾兮兩河。駿豐隆兮駕馮夷，蹇將至今風薄之吹笙兮，擊鼓絙絃兮。會舞君不來兮，使我心苦雲冥冥兮，晝晦神靈惠兮。甘雨我稷兮，我黍穀之兮。士女編龍兮，堂墀禽蜥蜴兮。水際吐雲兮，上下使鳩鳥兮，騰逝紛總總兮。神欲下森爲駕兮，龍爲馬君誰須兮，不來日將莫兮，怨思。

祀白鹿先生迎送神辭三首

吹玉簫兮眺帆浦橫蔽江兮美無舸蹇躑躅兮旋望
宛窈窕兮山之左陟山左兮降右忽而來兮條而去
跨白鹿兮導兩螭色含笑兮心莫知既登兮山椒復
南涉兮石瀨日冥冥兮欲暮風飄飄兮吹蕙帶

右迎神

綠蘿兮紫萸桂生兮羅戶風颯颯兮若有望神驅雨
兮泉浪浪躑躅我堦兮坐我几以彭郎兮挾匡父蘭穀
兮椒醕日中兮萬舞美孰怒兮飄忽逝雲離離兮怨
余

右降神

迹不偕兮心相疑懼雖諧兮愁易離君荷衣兮蕙帶
逍遙山中兮桂爲蓋天門兮旣闢騰而上兮雪之際
石有澗兮山有峯心相慕兮交不逢稅吾車兮繫馬
願褰衣兮從子

右送神

步虛辭

被霞衣兮芝蓋藹沛騰兮影長帶魂逖逖兮天門奄
周章兮雲際吹參差兮槃舞燈繁紛兮不歌以鼓水
以陸兮濟鬼福釐洵兮冀望苦

芝山子辭

山之芝兮歲蕤子出遊兮不歸子不歸兮翳薜蘿響
余獨兮山之阿山阿兮望子芝爛爛兮萳紫從子兮

空同先生集卷第六

北郡李夢陽撰

詩 樂府三十八首

雜調曲

擬前緩聲歌

擬烏生八九子

郭公謠

豆娘子

榆臺行

白毛行

長歌行

禽言六首

猛虎行

董逃行

秋胡行

君馬黃

飲歌行

阪田行

嵩集卷六

一一詩

李電

豫章篇

仙人篇

升天行二首

洛陽陌

丹霞行

雨雪曲

陽鳥篇

湖吟行

虎欲齧人不避豪賢篇

獨漉篇

苦熱行

雞鳴篇

朝吟行

玄熊篇

遊子篇

豫章行

析薪二首

雜調曲

擬前緩聲歌

萬水東流魚西上游不虞彼有漁子置我於其釣魚
告漁子女曷太荼寬大福厚不見是圖漁乃偃僂伸
鈎我脫身以游漁起揮手謝天命各有由此魚銜明
珠來報當日漁

擬烏生八九子

烏生八九子八九子餵飼兩老烏乃在城墻高樹頭
兩老烏拮据爲巢心中實毒荼晝夜餵飼八九子八
九子長成各自飛不來顧老烏巢風雨巢漂搖今年
有巢處來年哺子何處所猛虎能食人尚復有子之
親螻蟻極細小虫奉事長上禮若君臣何得朋友如
路人上車逢所知下車稱別離淚下如雨眼迷離來
時不知南不知北我去何勞問東西車輪班班轉老
烏飛飛啄赤莧

空齋集卷六

二一詩

郭公謠

赤雲日東江水西榛墟樹孤禽來啼語音哀切行且
啄慘怛若訴聞者悽靜察細忖不可辯似呼郭公兼
其妻一呼郭公兩呼婆各家裁禾栽到田塍誰教檢
取螺公要螺炙婆言攝客攝得客來新婦偷食公欲
罵婦婆則嗔婦頭插金行帶銀郭公唇乾口噪救不
得哀鳴繞枝天色黑

李子曰世嘗謂刪後無詩無者謂雅耳風

自謠口出孰得而無之哉今錄其民謠一

篇使人知直詩果在民間於乎非子期孰
知洋洋哉哉哉

豆娘子

豆娘子者蜻蜓之細也輕盈側媚群游而寡忌
李子見之傷焉作豆娘子

汝何者物小而輕盈灼灼悠悠揚朋從寡畏緇衣紺裳
或翠其衿或朱而黃嬉戲長我窈窕水旁餐膏浴滋
飲露吞香才不我知謀寧自臧兒童撲弄姬媵憐傷
豆娘子御娘子豆娘百卉隕零北風雨霜弱不敵威
蚱蜢同戕肅肅鴻鵠雲海翱翔嘖嘖者鳳覽輝梧岡
微末之虫何勞短長

空齋集卷六

三詩

裝

榆臺行

其事在弘治乙丑年

榆臺高高風吹樹梢都搖搖臺下黃羊走黃蒿山頭
看看日落簷簾四面吹軍中白旗身姓誰向前看有
河河水深彼不怕死我亦人力能拔虎尾人虎或兩
存歸爲鬼雄榮爾魂

白毛行甲申元日作

元日地動生白毛發春當暖風蕭騷天時尚然有錯
迓老夫何怪兒童曹君不見猛虎失勢人寢其皮惜
也豈復能咆哮我歌白毛比之董逃

長歌行

籠中鴨望水中鴨一鳴一答汝雖有羽翼不如我汎

淥波食魚鰕奔萍拍藻入煙浦籠中之鴨心徒苦

禽言六首

泥滑滑車馬不得安何不停車繫馬待泥乾

二

行不得哥哥東有木公西王婆南面設罾北張羅行不得哥哥

三

姑惡姑惡小姑刺齷姑不樂新婦早煮餬低聲奉小姑

四

提壺盧壺盧提盛酒背母私餉妻妻可再得母恩罔

極

五

瘦兒瘦兒汝爲上留田汝爲尹伯奇獨行哀叫心內
飢日逐緣樹啄虫蟻汝父汝兄寧得知

六

不如歸去南山豆熟北山有黍

猛虎行

猛虎本居深山我可不入彼來亦難誰令爾今來市中遊盡日攫人食撐腸拄腹無歇休我欲擊之刃不在手欲往告泰山之君陸無車水無舟猛虎聞言向我怒我命在天匪虎懼嗟嗟虎尚有時鴟鴞遺音寧

爾知

董逃行

涉江登彼西山下看城郭鬱盤城中閣殿斑爛嘉樹

一何紛綸上有鳴鳥旦暮間關遙望我心浩歎解闕

闕寂間民生何艱終朝缺突無煙胡彼來往翩翩綺

衣車馬可憐解二誰家起樓造天歌鐘舞管喧闐剥羊

宰牛列筵何但一食萬錢倏忽日薄重淵解三明燈熒

熒爛堂綉幃雞舌流黃樂人調瑟未央千年萬歲奉

觴豈知老至悲傷解四日月逝矣不我留精銷時往霜

霰交流繁華零落山丘心懼意愛為他人收哀哉胡

不德求解五

空齋集卷六

五詩

秋胡行

鸞鳥不可為鴟爾胡不思顏淵輟塵尼父見疑我今

乃何敢望聖賢人心中憤悶徒苦悲智見萬里水清

終見底解一高高山上臺彼居者何誰厥狀蜿蜒何人

意欲牽纏汝雖見其形不見汝情乃胡營營相煎豈

不聞我命在天解二直道古難容樹喬風集顛周公宥

何疵愆乃為四國流言伯竒掇蜂不為父憐跡有涉

疑惟賢知賢解三潔色為妬媒危言良見災讒說又自

明非時麟聖哀孤松摧為之薪水東西流欽猶鬼神

解四

君馬真

君馬黃臣四驪飛軒駛駭交路達錦衣有曜都且馳
前徑狹以斜曲巷不容車攘臂叱前兵掉頭麾后驅
毀彼之廬行我輿大兵折屋梁中兵搖楫櫓小兵無
所為張勢罵蠻奴爾慎勿言謀者來幸非君馬汝不
夷

飲歌行

虎狼不可群日短途路長魚脊稻復澁蔬芝雞鳳凰
篤之無恩澤背面輒詆戕鎗銖苟不平持刃起相傷
剽悍復譎詭水土性輕揚哀哉茲土民詠歌以難忘

阪田行

阪田陟離離子母長寒饑昨聞接京軍征夫曷時歸
特生阪田樹下有往與來敝裳四牡雖榮不如與妾
共鋪糜網魚不施綱孰能制魚死征夫歸來歸來不
見靈寶公安陸子

豫章篇

晨出南浦橋不見橋上樓但見火燒骨橋下水不流
北風吹枯樹板無一人來遊妖鳥群啄鳴啾啾汝何
不此地重起樓具監大舶來越珍銜舳艫豫章之火
心大茶

仙人篇

何者一老翁耳垂兩肩綠瞳方來此芙蓉峯招我同
行聳身即老翁授我玉柈丹携手遊洪濛東至泰山

顛飛瀑揚膏波青松蔭石關饑饉掇瑶草渴飲玉屑
泉晨朝吸沆瀣夕憇若木問俯視九區內傷心淚洗
澗

升天行二首

九州非我居我思遊冥荒飾輿駿玉虬乘氣切天翔
朝餐發匡廬夕暮嵩華陽上謁帝座側回旗拂天昌
牽牛擊河鼓織女方七襄

其二

扶桑躍陽彩海氣騰瑤光六龍抗斗樞九帝開雲間
振衣躡仙蹤飛轡鸞翔仰身操天瓢手勺沆瀣漿
朝嬉太乙館夕憇玉女堂馳情覽八極縱目窮遐荒
環運無恒存逝代多隱傷回旌拂九曜捷步登文昌
進謀芝蓋側待問紫玉房群靈贈大藥諸御傳神方
無惜一粒分遂令民壽康

洛陽陌

巖飈卷枯藿霜隼厲狄翩翩騶馬子意氣一何赫
朝馳上東門暮徧洛陽陌臂彎兩角弓寶刀雪花白
借問此誰子無乃漢相如昔挈一束書今乘駟馬車
虎士爲執鞭縣令皆前驅傾城莫不嘆觀者填路衢
舉手謝鄉人榮耀但區區丈夫樹名勲所志在唐虞
揚袂徑北去萬里誰能拘

丹霞行

毀譽榮辱至海波何時平
海中有仙山仙人築爲城
金銀爲室闕桂樹羅階生
鸞鳥翔且舞美女稱飛瓊
僇佗擁我蓋王子左吹笙
踟蹰聊戲娛餐芝翫西傾

雨雪曲

冬十一月阻舟徐汭朔風北來
雨雪紛下禽鳥凍寂
洲村蕭夜纜夫來言衣單腹
餓波流洄洄促船難駕
我心悽惻羽翼儻假解一
七月燠土今幸雨雪往者難

追來春可沃我雖波阻心則
怡懌購蔬城市貧米逾

澤原阪蕭條鴈鴻輯集貧士
罔懷一陽環復解二青

者衿涉江我求大澤寒冥胡
子能來鷺鷥難飛潭網

頓集綱收魚跳閱忘寢食荒
岑險艱豈我能處南紀

東晉集卷六

八十一詩

章詒

東晉返北于土解三

陽鳥篇

陽鳥攸居于渚于野飲啄紆徐
行步閑雅我舟觸驚
振翰若雲飛之有序還集成
群陽生豫知延頸跂望
舉翼萬里雲羅空想

湖吟行

魚游于水游于水而鳥游于水
飽之去斯雲昧湖窈
冬序憐慄竟日無人草莽冥
寂百恠嗚叫原隰誰主
有一層夫荒濱守吾疑非
恠人問之弗言汝胡者人
單到此間

虎欲齧人不避豪賢篇

吾之於人誰毀誰譽貌失子羽言失宰予知我者天
君子洗心行不愧影寢不愧衾何樹嶷嶷于吟之特
有撓俾鳴俊風者惑漢申黨人宋嚴僞學冥鴻逝豫
轅駒局促非林何棲非淵何潛駟馬憂患貧賤德音
富而可求其從如雲徐子起欽顯者茂聞

獨漉篇

獨漉獨漉棄田求屋其屋雖大其人則餓小人在旁
譬如蠶蝎恩之雖勤莽之則螫葳蕤艷陽桃李吐英
未曾結實誰辨苦蜜錦繡圍厠過者掩口珠玉委途
奚異塵土臨淵趣輪臨壑振綬人孰不聞亦孰不知
綦約之美不以爲纈身尊道高名爲雋傑

苦熱行

齊集卷六

九一詩

章祥

蘊隆焚如二儀爲爐赤曦鑠天塵沙沸途居奚諱袒
行弗擇憇魚伏於困鳥張其喙何物爲炭誰乎爲工
橐之鼓之金流石鎔閭風之顛瑤沼之陰飈輪扇涼
冰壑欽峯下踏層雪上攀琪樹仙人綠髮逍遙箕踞
俯闕人世溷熱交毒我欲從之安得羽翼

雞鳴篇

雞鳴月落飄風振宇駕鵝曳陸翔鳥雲舉曜靈初出
浮雲翳止驅馬東行條其嘅止

朝吟行

亭毒旣周明星有爛羲和授鞭九宇將旦寐者欲覺

寤者既嘆囓囓檜栢覆我中庭雞鳴於顛微霜夜零
閭闔未啓九闔尚扃馳神紫極振珩闕庭

玄熊篇

猛士守四方四方塵不揚玄熊在深山百獸皆遁藏
解一獵火舉四澤盧羅亘長雲毒矢積如蝟玉石誰能
解二分熊皮充下御肉亦登君庖豈若犬與豸即死無
解三咆哮

游子篇

游子在他鄉所願親壽考水犀遊於淵惟願水長好
礪石雖孤處不羨風中沙葛藟能纏綿不如絲與麻

豫章行

晉書卷六

十一 詩

章祥

黃河雖大川所嗟源不清千里能一曲不如直道行
王允輔京室李杜垂其名介休巾角折乃為時所傾

析薪二首

析薪如之何爰以析其理結交如之何相要在終始
女蘿施松栢女蘿千尺長結交不知心結交安得常

二

列曜垂四隅燦燦冒中土箕星乃好風畢宿復欣雨
汎觀愚哲士戚戚各有營哲夫計千載愚者終一生

空同先生集卷第七

北郡李黃陽撰

詩 樂府三十四首

雜調曲

公無渡河二首

空城雀

野田黃雀行

石城樂

大堤曲

襄陽謠

白銅鞮

襄樊樂

襄陽浣婦行

鴈門太守行

渡河篇

黃鵠篇

煌煌京洛行為曹縣王子賦

空同集卷七

一一詩

南山篇

仙人好樓居三首

白馬篇

將歸篇

答客

擬燕歌行二首

芳樹二首為上海陸氏賦

鳴鴈行

知足吟

直如絃

采菇曲二首

雙燕篇

古別離送龍漱子

史烈女

孤鶻篇壽程生大母

雜調曲

公無渡河二首

盤螭作川梁功奇勢難久魴鱣尾徒屈天吳戴九首

二
公無渡河河深不可渡中有白石齒齒嶄嶄兮我
蛟龍九頭戴角崢嶸崢嶸兮水鱗鱗兮衝素波公無
渡河吹沙暮多風河伯築梁結兩螭汝無羽翼墮木
中涉水雖可樂不如登山阿噫嗟嗟公無渡河

空城雀

雙雀下空城穀穗黃離離二雀跳踉鼓翼啄穀穗其
朋千百咸來集小者啾啾是其兒誰者翁媪被髮曳
鞵來打雀雀薨薨飛上城嘈嘈鳴兩人恰欲抽身雀
便復集回頭罵雀辛苦長得禾汝忍飽之我無粒手
中乏利彈又茂網羅天旋日昏柰爾雀何

空齋集卷七

二詩

野田黃雀行

樂樂其所自生禽獸過其故丘悲鳴黃雀游野田焉
得鴻鵠高舉情鳳凰靡世見生長丹山依玉禾白於
脂飽之忽來飛仲尼逢子西乃被接輿譏

石城樂

盈盈窈窕女當門是誰家十三學畫眉十五擅琵琶
邑中有盧家此女名莫愁向前問此女女聞雙淚流
二十嫁夫郎重門阿閣房臨窓種桐樹五年妾身長
自渠下揚州置妾守空樓悔不快剪刀斷水不東流

大堤曲

漢水白離離日落山黑時堤頭石不平走馬誰家兒

儂住襄門西而在漢水北浮橋不着纜郎詎得儂識
大舶何處來落帆向儂許高鞞白恰子識是真州估

襄陽諍

一灘高一尺十灘高一丈湍急石巉魚何由上棹戕
櫓折俾我心愴順風沿水舉帆千里

白銅鞮

誰家池高陽池日暮歸倒接離醉如泥汝爲誰拍手
歌襄陽兒

襄樊樂

立橋如麻卿來誰家新燕營巢風中滾沙鷓鴣逐鴛
鴦金井石榴黃珍寶丘山積擅名黑門廂

空同集卷七

三詩

襄陽浣婦行

彼誰者媼吾家浣衣新寡寒賤髮髮霜飛體無完衣
十日九飢態度則殊辯是非媼泣蒼言妾襄宮女
小小入宮荷主憐顧四十始出嫁爲民婦灌田采薪
奄就貧窶舞裳綻汚形容改故夫死男孺藜藿靡救
媼咽復言侍襄定獻幾三十年王有義辭皇嘉特宣
父子俱覲妃嬪如煙鈿第載路龍旂飄翩御使絡繹
珍車班班漢峴同清天歌播焉袞烏南還層城言言
鳥春日妍桂宮有延傑臣觴壽玉娥奉筵王旣捐世
變來罔度聞見駭異古歎寂寞媼勿更言禹類咸爾
厥亦天道安之則已

鴈門太守行

鴈門太守汝何人治邦三月稱明神我有牛羊賊不來掠我有禾黍人不敢割昔我無衣今有袴著我思禮拜太守太守不見憐但聞太守身姓邊紫髯廣額聳兩顴太守出門四牡駸駸後擁皂蓋前導兩鷹行者盡辟易居者不敢窺竊問太守胡所之云訪城南皇甫規

渡河篇

小麥黃黃河波君柰何今渡河昔君游此思君一見經旬累月不君一面君今渡河乃往何縣跋予望之淚下如霰汀有鳧兮止有蘭枝相亞兮居不單人生心事豈有彈君慎動靜加君餐

空同集卷七

四詩

黃鵠篇

黃鵠游四海倦言還故邦中路失其雌三年廼有雙鴛鴦毛羽鱗哉工凰儔鶴匹渠豈同嫵婉懽娛殺酒豐琴鳴瑟奏芳夜中樂極思來內忡忡驗新追故悲悔叢人生萬事慎勿輕易狸鼠之能詎逮騏驥車牽美期谷風興刺我心自知聿斯語誰

煌煌京洛行爲曹縣王子賦

時風布陽和鞞鞞華春木清朝富才賢藹藹冠蓋屬努力競高路雞鳴起相逐白日耀飛纒流雲翼行轂同里多囊薦一門有聯躅蹶彼曹山士雙雙皎如玉

聚鳴各當晨連翩一何急煌煌京洛內濟濟英妙集
二郎紳委蛇三四錦翕熠大郎雖未官俯身拾班級
入室談仁義出與卿相揖聲名旣烜赫性行復剛執
見者勿徒羨青雲貴自立

南山篇

南山何巖巖上有孤鸞凰佳偶永相失日飛夜悲鳴
遺腹生雛哺之良艱晨采竹實暮取琅玕吁嗟哺之
良亦艱雛成被九采翱翔覽四海四海覩光儀阿母
亦榮輝峩峩相公門屹與南山齊自有鸞凰來綽楔
增崔嵬相逢且莫言聽我南山篇

仙人好樓居三首

甯集卷七

五詩

律律海中洲峨峨白玉樓上曾結浮雲下戴神鰲遊
前簷陰白榆青龍守門樞上有無始公餐霞煉金腴
飛瓊鼓玄橐浮丘扇其隅情閑覽八表出入服氣輿
日月跳兩珠廻旋但須臾萬年永福昌寤言莫相忘

二

謁帝華蓋側沐髮咸池旁巖巖雲中樓文杏裊爲梁
黃金走闌干銀闕前相望聳身若輕翼登之窮四洋
四洋北荒沕波瀾浩揚揚九州一何拘歛顏歸洞房
屑玉煉精魄用神無何鄉萬年永福昌寤言莫相忘

三

乾鵠知來風靈人炳先幾超世構巍峩上與飛雲齊

舉手拂天河白石寒離離牽牛不服箱織女棄支機
孤鳥銜若華東來欲誰詒海水淺以清俯之嗟嘆吞
卷茲勿輕道翩翩衆鳩馳萬年永福昌寤言莫相忘

白馬篇

白馬紫金羈揚鞵過市馳萬人皆辟易言是賣珠兒
生長本倡門結交蒙主恩寢食玉榻側獨聆灑渥言
取金大長秋徵歌李延年家住十重樓珠簾白玉鈎
綺繡裁襦裳妖艷無匹儔片言即賜第意氣凌五侯

將歸篇

對面有垂絕千里長相思登高望來車入門賦將歸
驚風何飄飄獸兔莽間啼羣鳥各有趨他鄉難獨依
獨依令人惑悠悠浮雲馳悠悠尚可道霜露隕百草

晉書卷七

六一詩

荅客

子去有何見來之奚所聞願客且寧坐爲子請敬陳
丈夫志四方出門輟同輪人心投合諧匪必鄰里親
長風會枯蓬飄飄逐飛塵旣東忽復西聿誰究其因
引觴就岐路有懷庶能伸

擬燕歌行二首

花稀葉艷蘼蕪芳皇皇溥原修且將陽浮野曠雲飛
揚風沙眯目燠氣黃禽獸阻飢狐在梁興言送君還
故鄉牽袂欲別立徬徨延視極騁中自傷締交心違
隔肝腸爾去孰予共杯觴蘭橈桂柁文荔檣逝哉汗

漫凌洪洋安能假翼東南翔何人贈君紫玉璫又何
贈之雲錦裳永言嗣茲無我忘

二

銀河耿耿秋夜長牽牛織女限河梁終日弄杼不成
章延頸北望涕沾裳自君別我之他方錦衾燦兮獨
空牀北風發發天雨霜鴻鵠垂翅不能翔谿谷天寒
林樹蒼道路欲歸多虎狼人煙斷絕乏資糧爲君憂
愁斷肝腸思策良馬逝君旁中道失路河無杭攬衣
踟躕夜未央願爲浮雲歸故鄉

芳樹二首爲上海陸氏賦陸出東坡故硯姑

蘇全肩筆索予面賦一字起十字止

蘇集卷七

七一詩

宣

嗟天運春奄暮翩翩者鳥集于芳樹芳樹生路隅車
馬一何多朝看桃李華夕看桃李柯爰登高丘以望
遙見長安綺樓樓中美人彈瑟如聞三嘆未休客乘
白馬繫樓下秉燭置酒娛夜遊美人贈我錦繡辭把
玩不異珊瑚鈎林陰溥露羅袂薄明月照闥那可留
嗟乎人生何不共努力君不見城鴉哺子忽生翼

二

前缺八字句此篇足之

猗君子道爲貴倉夫所欽駟馬高蓋東家雖椎牛不
如西家蓋雖有文馬千駟不如西山啜薇猗嗟富貴
良何爲瞻彼青青兮陌上林穠華灼灼兮一何早涼
風有時漂搖來吹汝坐見淒淒白露滿芳草願采青

松寄情親於遠道

鳴鴈行

鴻鵠高舉摩天飛渴飲沆瀣餐靈芝翅拂日月雲爲衣
即有矰繳安能施下遊滄海高河漢我思與爾時相見
羽短毛長何足辯

知足吟

衡門可栖藜藿可飯錦綺雖麗韋布自暖車馬雖貴
豈若仰偃下覽林臯上陟巒巘靜倚垂虹憇目送行雲
返

直如絃

直如絃死道邊相逢且勿諠敬聽古人言子雖抱良璧
暗投誰爲惜掇蜂尚見疑何況不相知種桑爲得衣
種穀爲得飽結交不得心不如絕交早

采菇曲二首

衆星欲沒月樸胡人家河上起相呼相呼相喚采秋
菇問渠早起緣何事此草日出化作田中枯采菇采
菇君早歸霜寒露重濕人衣藍田白玉非無種不似
商山好蕨薇

二

白如玉簪香如玉田禾行人且莫行聽我采菇歌
儂家住荏黃河曲一日波濤怨殺河河來有魚去有
麥麥下秋霜菇菜多不求河向城南去只願年年河

不波

雙燕篇

雙燕來故室不見阿母語穿窬入幕尋阿母哀鳴欲
棲還復舉喃喃止翠柝徘徊拂素幃浮塵積玉珣斷
蘚生畫衣雙燕年年春社來阿母阿母何時歸

賦得古別離送龍湫子

盈盈揚白花沉沉綠波水化爲浮萍草乃與人相侶
飄泊無根帶隨風任流止今日歡聚客明日條千里
千里異鄉縣有時復相見心情豈固殊所嗟形色變
一見復一別少壯頭盡雪老大未足傷願言崇令芳

史烈女

空齋集卷七

九詩

宣

史烈女者杞史氏之女也未嫁而死其夫是踰
禮以守信破經而成仁者也李子曰史氏女有
激俗之功焉然予聞其言矣於是乎述

梨花如雪霜鴛鴦不成雙我心明如鏡我心清如水
鏡明有塵時冰覆無收理古昔華山畿行人下馬拜
春風兩蛺蝶綠草搖衣帶

孤鵠篇壽程生大母

有孤者鵠毛羽蒼靈氣勃勃吞秋霜飢餐玄圃禾渴
飲瑤池漿朝從金母遊夕挾飛瓊翔生有二子二子
生八雛雙崑崙之巔漱芳茹膏飧玉腴上下嬉紫
虛青鳥爲伴文鳳俱俯視鵠鴉鷓鷃何啻萬萬輩

啾啾豕腥穢

空同先生集卷第七

一 箴傳卷七

詩

空同先生集

